

**ERYCI PUTEANI**

**BAMELRODI**

**Historiographi Regii, Professoris,  
Consilarii, &c.**

**EPISTOLARUM  
POSTHUMARUM**

**TOMUS I**



THE

IC

AND

THE

THE

THE




LOVANI, Typis ANDRÆ BOUVETI, A. MDCCLXXII.





ERYCI PUTEANI  
BAMELRODI

Historiographi Regii, Professoris,  
Consiliarii, &c.



EPISTOLARUM  
POSTHUMARUM

CENTURIA V.  
AD OMNIS GENERIS, STATUS,  
CONDITIONIS VIROS  
MISCELLANEA.




*Bibl. per.  
x. l. y.*



*Coll. Rom. 1. 1.  
Card. Pallan.*

LOVANIJ,  
Typis ANDREAE BOUVETI, Typ. jur.  
ANNO clc. lxc. Lxii.





**EMINENTISSIMO**

**S. R. E.**



**PRINCIPI,  
ANTONIO  
BICHIO,  
ALEXANDRI VII.  
VICARII  
IN TERRIS CHRISTI,  
SORORIS FILIO,  
PRONUNTII**

**A<sub>3</sub>**

**APOSTO-**

**APOSTOLICI OFFICIO,**  
**ABBATIS**  
**S. ANASTASIÆ TITULO,**  
**APUD**  
**BELGAS BURGUNDOSQUE**  
**PERICULOSISSIMIS TEMPORIBUS**  
**LAUDABILITER PERFUNCTO,**  
**SICQUE PROMERITO**  
**UT IN**  
**MONTEM ILCINIUM,**  
**AC DEINDE**  
**AUXIMUM**  
**EPISCOPALI**  
**DIGNI-**



DIGNITATE  
ASCENDERET;  
DUMQUE RURSUM  
CREVERUNT MERITA,  
CREVIT ET SCALA  
QUA  
AD PROXIMUM  
SOLIO PAPALI  
GRADUM,  
SELLAM,  
INQUAM;  
PURPURATAM  
CONSCENDIT,  
INSIGNI


INSIGNI ETIAM  
LEGATIONE  
PONTIFICIA  
INTER  
URBINATES  
MAGNIFICE PERFUNGENS  
HUIC VIRO  
TAM CONSPICUO,  
DE  
SANCTA SEDE  
TAM BENE MERITO,  
CENTURIAM

SELE.

SELECTIONUM  
EPISTOLARUM  
AB  
ERYCIO PUTEANO  
AMICO QUONDAM SUO  
EXARATARUM:  
SUMMA VENERATIONE MANCIPIAT  
AUTHORIS GENER  
XYSTUS ANTONIUS  
MILSER.



• ERYCII



ERYCI PUTEANI  
EPISTOLARUM  
POSTHUMARUM,  
AD OMNIS GENERIS,  
STATUS, CONDITIONIS  
VIROS  
CENTURIA QUINTA:  
EAQUE MISCELLANEA.

---

EPISTOLA I.

*Bruxellam.*



MELCHIORI DAELHEMIO,  
*Ord. Eremit. S. AUGUSTINI,  
Philologo & Provinciae Belgicae  
Visitatori.*



**I**Nter veros Amicos nomen  
mihi tuum jam olim scrip-  
tum est : suave , & dignissi-  
mum famâ nomen. Si Doctri-  
nam respicio, ea in te cultis-  
sima est ; si Pietatem, religio-  
sissima ; si humanitatem, integerrima. Inge-  
nio,

## 2 ERYCI PUTEANI

nio, animo moribus allicis unumquemque;  
me verò etiam defixum tenes. Cur igitur  
ad ultimas tuas, illas mellitas & nectareas  
non respondi? Quia te ipsum exspectabam;  
quia ubi locorum esses, scire non poteram;  
quia mora è dilatione crevit. Sed non excu-  
so: expiare delictum paratus sum, & subi-  
re pœnam, quam ubi adveneris, impones.  
Nonne noster denuò & aliquamdiu eris? Ita  
intelligo, ac vehementer lætor. Unum igi-  
tur à Doctrina tua, à Pietate, ab humanitate  
petere audeo; ut noster adhuc esse pergat,  
quem & meum esse scis, & utilem huic Mo-  
nasterio. Is Reverendus Pater Supprior est,  
insigni Pietate & bonitate præditus; in cujus  
aures & ego exonerare conscientiae reatum  
soleo. Obtineat solitam sedem, LOVANI  
habitet, quo jam deinceps carere LOVANIUM  
non potest. Fac Urbis, Monasterij, meâ etiam  
causâ; qui tuus sum, & ero semper. LOVANI,  
in Arce, xvii. Kal. Novemb. 1600.  
xxv.

## EPISTOLA II.

*Bruxellam.*

DIONYSIO MALPASIO,

*diis æpigis.*

**N**ON infeliciter PALAESTRAM BONAE  
MENTIS à me nuper restitutam esse, tua  
nunc etiã industria, Cultissime juvenum,  
ostendit. Dignus premio, qui exemplo conspi-  
cuus es, & cum laude, non tuã tantum, sed gen-  
tis universę, Ingeniolus & facundus. Ingeniũ  
tuum facundiã elucet, facundia ingenio. Mo-  
res verò tui, quia ad omne animi decus com-  
positi sunt, magis & ingenium & facundiam  
ornant, imò nobilitant. Hinc quidem, ut pul-  
cherrimè & utilissimè diceres, nullum profe-  
ctu tuo dignum argumentum præter virtutes  
censuisti: quas ut tuas faceres, egregio sanè Co-  
NATU ad I M A G I N E M ducere voluisti, & in  
PHILIPPO H I. Hispaniarum Rege Optimo  
exhibere. O colores! ô penicillum! ô artifi-  
cem! Hæc vera, & cælo digna pictura est,  
non oris lineamentis, quæ fugacia sunt; sed  
animi, quæ durant semper, absoluta. Ergo

videmus Regem, cujus vita non nisi virtus fuit: videmus virtutes, quæ cerni non potuerunt, nisi in PHILIPPO, & à te repræsentantur: denique videmus MALPASIUM, quem si audisses, Lector, ampliùs etiam laudares. Lovanii, in Arce Regiâ, ix. Kal. Januarii, M. DC. XXVII.

---

## EPISTOLA III.

*Tongerloam.*

AUGUSTINO WICHMANS,

*Ecclesiæ Tongerloanæ Canonico Præmonstratensi, postea Abbati.*

SABBATISMUM tuum MARIANUM Saccepi, doctum sanè, curiosum, & pium opus, quemadmodum primâ statim inspectione notavi. Pergam igitur legere, ut evolvam universum, animumve meum hac doctrinâ, curiositate, Pietate imbuam. MARIAE nomen quàm suave est! Sabbati quàm sanctum est! Sed tibi primùm in mentem venit, SABBATISMUM MARIANUM celebrare. Macte calamo, imò ingenio: quot Sabbata erunt, quot



## EPIST. CENTURIA V.

quot septimanæ redibunt, propitiam VIRGINEM senties, & quisque, ut renovato affectu colat VIRGINEM, tuo calamo, inò ingenio excitabitur. Exulent igitur Deorum nomina: in laterculum dierum MARIA recepta est: cujus sanctissimi ritus originem & utilitatem à te discimus, cùm jam omnia in sacra antiquitate eruta, explicata, illustrata viderentur. Tibi laus ista debebatur: tuum etiam erit Coronam stellarum duodecim necere, ut coronam ipse accipias. Ita vale, & in gloriam VIRGINIS vive; quæ in ipsa tandem morte, à te mortem removebit. Lovanii, in Arce, xiv. Kal. Novemb.  $\infty$ . MDC. xxviii.

---

## EPISTOLA IV.

*Bruxellam.*

**FABIO DE LAGONESSA,**

*Archiepiscopo Compsano, Nun-  
cio Apostolico.*

**I**llustrissima Benignitas tua fiduciam mihi scribendi suggerit; ut beneficium petam, quod & ad meam, & ad familiæ meæ existimationem

mationem faciet. Tanquàm satis mihi jam non sit, filium IUSTUM Gandavi habere Canonicum: huic ejus fortunæ aliquid addere lucis velim, sed à bono affectu tuo hauriendæ. Titulum ambio, & dignitatem peto, quæ perpetuâ obligatione & me tuum, & filium esse ostendat: sed quam à benignissima manu tua accepisse, ad cumulum honoris faciet. Dignitas hæc Protonotariatus Apostolicus est, filiumque meum, quemadmodum exornabit, ita ad virtutem, doctrinam, pietatem diriget. Cùm in Apostolicis scriptiōnibus aliquamdiu jam occupatus fuerit, & officio scribæ, latini perfunctus; nōminis hujus se capax fecit; sed quod totum beneficentiæ tuæ debebit. Æstiment alii alia munerera; nobis hoc magnum erit, quia reverà magnum est; & magis, quia à Te venit; Annue Illustrissime & Reverendissime DOMINE, & hanc PUTEANIS gratiam æternò duraturam præsta. Hac tessera, ubicumque JUSTUS meuserit, tuus erit: & ego, novo nexu tibi obstrictus. Lovanii, in Arce, XVI. Kal. Januarii, 1600. 1600. XXIX.

## EPISTOLA V.

*Lovanii.*CHRISTIANO  
BEUSECUM,*S. Theologiae Doctori, Collegii  
Regii Praesidi.*

**M**æstus ad me venit & miser juvenis ille,  
Mopem auxiliumque meum implorans; ut  
si minùs apud alios possem, tuam saltem hu-  
manitatem implorarem. Verecundè licet ex-  
plicem hanc ejus petitionem; explico tamen  
nequid negasse afflicto videar: cui graviùs  
jam peccatum suum est, quàm ab aliis ac-  
cusetur. De seminario igitur proposuit,  
& ut aliquem in eo locum speret, se & ani-  
mum suum, studia & vota imperio tuo  
obnoxia reddit ac mancipat. Respice, si ullo  
modo fieri possit, supplicantis preces, imò la-  
crymas; quas & filius, & filii causâ pater jam  
senex fundit. Homines sumus: alius alio gra-  
viùs, sed nemo non delinquit. Interdum &  
peccasse

peccasse, major ad virtutem & verecundiam stimulus est, dum admissam fortè notam continuâ conantur industriâ extinguere, & cautellâ evitare, qui impetu magis quàm malitiâ transversum aliquando abrepti sunt. Facinus si examinemus, totam ebrietas culpam sustinet: in potestate sua non fuit, qui ferro abusus est. Vivit etiam, qui cùm furentem provocaret, læsus est, qui nisi chirurgus peccasset, statim sibi reddi poterat. Casum ne tanquàm consilium puniamus, æquitatis, vel certè humanitatis ratio postulat. Etiam erigere lapsum, & in viam reducere, misericordiæ munus est, & præceptis Religionis nostræ atque Mysteriis celebratur. Nolo tamen impunita facinora esse. Amplius jam sustinuit, quàm forsan commisit. Collegio, scholâ, urbe extorris, totum miser annum in Monasterio tanquàm in carcere traxit: quod illi exilium studiorum velut supplicium fuit. Taceo sumptus, hætenus factos; eò duriores, quia paupertas ipsa gravata est. Te rogo igitur Eximie Domine, ut molliori oculo juvenem istum respicias, & tuam illi patère benignitatem velis: quam, ut bene de bono ingenio & jam provecto merear, interpellor: qui prodesse aliquando Ecclesiæ poterit mœstus & miser esse desinat. Alius erit,

EPIST. CENTURIA V. 9  
erit, si tuus esse incipiet, dignus affectu om-  
nium, si tuum impetrabit. Ita salve & vale.  
In Arcē XI. Kal. Januarii. ∞ . MCC. XXIX.

---

EPISTOLA VI.

*Lovanii.*

BALDUINO BLYLEVIO,

*Quæstori Regio.*

**B**Enignitas Serenissimæ Principis id om-  
nino agit, ut quod reliquum est vitæ &  
studiorum Patriæ malim, quam ITALIÆ li-  
beralissimè invitanti impendere. Inter reliqua  
beneficia & munera nova etiam torque &  
Numismate Regio aureo insignitū esse pectus  
meum voluit. Reliquum nunc est, ut stipendi-  
orum meorum, quemadmodum addita est;  
facilis sit solutio. Quæ cum à tuo dependeat  
munere, suavior tamen erit si & affectum in-  
dicet. Ut præferam ITALIÆ Patri-  
am, tua quoque benevolentia faciet: quam  
majoris semper, quam ipsam pecuniam,  
æstimaturus sum. Cupio enim à volente, lu-  
bente, amante stipendia capere: quæ nisi ma-  
tura sint, aliquid semper damni non rebus  
B tantum

tantum, sed studiis adferunt. Matura autem erunt, quæ bonus affectus persolvat. Vale, strenulam æqui bonique consule. Lovanii, in Arce, Nonis Januarii. ∞. 1700. xxx.

## EPISTOLA VII.

*Bruxellam.*

ÆGIDIO VANDEN ABEELE.

**N** ARDO HISTORIÆ meæ exemplar promiseram, tibi debebam. Cape igitur, & quod tradas, & quod habeas, sed velut affectus mei signum, tuo provocatum. Quam amicæ & nuperæ & nunc litteræ tuæ! Quam officiosa semper opera, benevolentiae Gratiis stipata! Non videbar scriptione exsolvere debitum, persolvo munere & simul scriptione. Quid nunc? Lege HISTORIAM, quam mitto, & munus ipse capiam: excusa brevitatem, quâ utor, & rursus obligabor. Vale, & me amare perge: ita facilius & leges & excusabis. Lovanii, in Arce, subitò, ut tuas accepi. VI II. Kal. Feb. ∞. 1700. xxx.

EPIS.

## EPISTOLA VIII.

*Venlonam.*THEODORO DALENIO,  
*Crucifero.*

**D**Octrinam, an Pietatem tuam magis complectar? Utramque in cælesti libello tuo, & nuper, & nunc vidi. Nuper per offusas aliquot typorum nubeculas, nunc sublato omni nævo relucens. Aurum scoriâ, gemmam maculâ liberare potuisti. Sed hoc fatum ingeniorum est, malè à prælo excipi. Sæpiùs jam sensi, quæ vulnera vel ignava, vel imperita manus infligat: nunc verborum, nunc sententiarum vis & anima suffocatur. Itaque & HISTORIAM meam INSUBRICAM alibi fulcam, alibi cicatricosam, alibi enervem videas. Non potuit hanc carnificinam GENEALOGIA mea, quam propediem missurus sum, effugere. Unde aliquid semper lectoris benignitati relinquendum est. Tu age quod agis, & illustrare ingenii calamiq̃ præstantiâ nomen Ordinemq̃ CRUCIS perge. Qui referre cælum potuisti, quos non thesauros

promas? Nunc quantum possum, filios diligentiae tuae commendo. Quantum proficient, videbor ipse discere. Sed an recte ordinaverim scholas, hinc vel maxime omnes intelligent. Vale, & hoc nunc ἀντίδωρον cape. Lovanii, in Arce, Eid. Martii. ∞. 156. xxx.

---

## EPISTOLA IX.

*Duacum.*

HENRICO RUELLO.

Affectum in me tuum, mi RUELLO, quidni æstimem? De meo securus es, nisi à te & bona indole tua (quod facturus non es.) recedas. Quemadmodum coram hortari ad virtutem & doctrinam soleo: ita nunc rogo, ostendas non te frustra in PUTEANĒ contubernio fuisse. Facilius sanè è domo, quàm è cura mea migrare potuisti. Adhuc enim de profectu tuo sollicitus sum; ut sicuti bono ingenio præditus es, ita bene etiam utâris. Debes hoc tibi, debes Parentibus optimis: quos vel felices, vel infelices reddes. Cogita quæ acceperis beneficia, quæ expectes: gratus



# EPIST. CENTURIA V. 13

gratus eris, si profligato ætatis otio, & vitatis vitiorum illecebris, nihil nisi quod honestum est sequeris. Breviter : vitam elige optimam consuetudo jucundam faciet. Lege, scribe, stude : plus à libris quàm à sociis oblectationis erit. Nimirum à labore ordiendum est, ut ad solidam voluptatem venias. Formandus est animus, ut quænam sit solida verè intelligas. Amare scientiam incipe & facilis erit ; amare Pietatem perge, & scientiam incipies: ego te, mi R U E L L I, quia pergis, quia incipis. Vale. Lovanii, in Arce, xv. Kal. Maii. ∞. 1500. xxx.

## EPISTOLA X.

*Bruxellam.*

CAROLO BOURGOSIO,

*Brabantie Procancellario.*

**N**on oblitus humanitatis tuæ, scribendi libertatem usurpo: libens, si officium meum amabis, invitus si fortassis molestus èro. Sed hic Amicus meus, imò hic Propinquus meus si stirpem spectem, ab Ampli-

dine tua beneficium petiturus, suo ore, meo simul calamo voluit loqui. Amico quid non velim? Propinquo quid non debeam? Hęc igitur voluntas benignitate tuâ, hoc debitum favore tuo indiget; ne frustrâ & ab Amico, & à Propinquo interpellatus sim: qui quâ verecundiâ petit, eâ meretur virtute quod petit, sedulus, probus, peritus. An alius esset? E BAMELRODIIS qui genere PUTEANI sunt, descendit; & GENEALOGIAM ipsam, velut tesseram à me adfert. Satis sic ego: nunc rogo ut Amicum meum & Propinquum audias; ut ubi petitionem ille suam exposuerit, dignam benignitate & favore tuo censeas, certè commendatione meâ dignum putavi. Vale. Lovanii, in Arce, xvij. Kal. Iulii. 60. 156. xxx.

## EPISTOLA XI.

*Bruxellam.*

ADRIANO MEERBECIO.

Pietatis officium est, non viventes tantum, sed & mortuos à liberis Parentes colere: ut sic dicam, memoriâ extendi. Hac una

# EPIST. CENTURIA V. 15

unâ ratione grati sumus : reddimus quantum accepimus, & ducto ad sepulchrum affectu, originem quoque nostram ab interitu vindicamus. Laudo filium, qui non sinit Patris Matrisque tumulum mutuum esse : qui & nomen & vitam breviter utriusque inscribit tanquam mori jam non possint. Mihi formula tota, candidè dico, placuit : & quid igitur interpolatione opus ? Quia tamen & meam poscis manum, mutare inscriptionem malo, quàm morem non gerere : tuum erit, excusare facilitatem meam, non ingenio affectum, sed affectu ingenium metiri. Ita vale, & de me, tanquam de familiari statuo. Lovanii, in Arce, vi. Kal. Octob. 1600.   
 100. XXX.

## EPISTOLA XII.

*Insulas.*

JACOBO BRUNEAU,

*E Præfectis Ærarii Insulensis.*

**G** Rator mihi Sanè meus GABRIEL fuit, Prudentissime Vir, quia cum literis

teris tuis humanitate plenis, rediit. Cum meum, dico, omnia dico, & quæ optimam indolem ejus, & meum simul affectum indicant. Quemadmodum vivit, studet, affectu, imò laude dignus est: ego autem ad- vigilabo, ut sic pergat agere, vivere, studere. Quia doctrina sine eloquio coli non potest, omnino auctor sum ut linguæ latinæ usum & elegantiam capessat; breviter autem DIAL- LECTICAE præcepta, quantum juri Civili satis est. Reliqua Deus & industria dabunt. Illum sanè piè colit, & hanc ingenio jungit: quod est, spirante feliciter aurâ re- mis velisque navigare. Ergo in portum ve- niet, aptus Reipublicæ erit, favore verò Optimæ Serenissimæque Principis evehetur. Hoc penitus votum meum est: pariter, ut benevolentiam tuam, iugi, quod offero, ob- sequio merear. Ita quemadmodum me- um GABRIELEM dico; ego ipse candidissimo affectu & cultu tuus ero. Lovanii, in Arce, v. Kal. Martias. ∞. MCC. XXXI.

## EPISTOLA XIII.

*Venlonam.*

HENRICO WEBBERO,

*Crucifero.*

**I**ngenio & eruditioni tuæ publicè omnes debent, qui Ordini CRUCIFERO-  
RUM bene consultum cupiunt: industriæ & affectui ego privatim, qui filios meos ANDREAM & HESSELUM tam felicibus scholis commisi. Industriad affectus gignit: hunc promereri cupio. Sed tu nunc ingenio & eruditione, industriâ & affectu facis, ut felices appellare scholas debeam: felices etiam filios, qui in scholis istis, & tuâ manu formâtur. Quid reddam, aut præstabo, ut gratus sim? Agnoscam beneficium, & te secundum filiorum meorum parentem nominabo. Itaque quantum amo filios; te quoque cogor diligere: facis, ut quia bonis litteris moribusque filios meos instituis; majorem eos amandi causam accipiam. Perge instituere, imò perge tuos reddere, qui mei sunt: patientur me tuum esse, qui me suum tenerrimo affectu & strictissimo

B 5 jure

jure appellant. Sanè quantum illi industriæ & affectui tuo obstringentur, semper ego debebo. Vale, & filios meâ, me filiorum causâ ama. Lovanii, in Arce, vi. Eid. Mart. xxxi.

---

## EPISTOLA XIV.

*Leodium.*

SILVESTRO PETRÆ  
SANCTÆ,

*Societ. JESU, Theologo  
& Mathematico.*

TOTUS amœnus es cultissime Pater, qui tam eleganter; totus candidus, qui tam amicè scribis. Omnem tanquàm virtutem cum Doctrina junxeris, humanitatem eruditè, eruditionem humaniter explicas. Epistolam ipsam non possum nisi humanitatem & eruditionem appellare, verbis brevem, pretio prægnantem. Hoc ornatu, quod misisti EPINICIUM, dignum erat: hoc affectu dignum judicasti, ad quem EPINICIUM mitteres. Id legi igitur, & statim URBANUM agnovi, non mi-

minori laude Vatem, quàm Regem victorem.  
 Etenim sic captam RUPELLAM esse, ad glori-  
 am facit; sic descriptam esse, ad æternitatem.  
 Dedit LUDOVICO URBANUS quod victoriâ  
 majus est; ampliùsque accepit ab URBANO  
 LUDOVICUS, quàm extorquere hostibus potu-  
 it. Quia unicum hoc in BELGIO exemplar  
 est; mei unius remanere, iniquum censeam.  
 Ejusmodi autem hoc melos est, ut non inve-  
 niat musas, sed adferat. Inveniat tamen apud  
 eum, qui de cervinis cornibus in candelabrum  
 aptatis, admirandam Elegiam scripsit. Inven-  
 tio felicissima est, numeri faciles, acumina ad  
 invidiam ingeniosa. Vis & dictionem? Nes-  
 cio an latiniore APOLLO ore facundus sit. Ut  
 omnia dicam, hoc est ad URBANUM accedere:  
 hoc est, SILVESTRUM esse, PETRA SANCTA  
 appellari. Recipe igitur EPINICIUM, vel id eo  
 quia non exigis: meum est, non quâ liberalita-  
 te miseris, sed quâ fide acceperim, expendere:  
 non ut vindicarem mihi sed ut legerem in quo  
 totum beneficium positum erat, paucorum  
 dierum usurâ circumscriptum. Nunc ut gra-  
 tus sim, HISTORIAM hanc meam vicissim ti-  
 bi usurariam facio, quàm à tua deinde manu  
 Illustrissimus Nuncius, & nunquam mihi sa-  
 tis laudandus Heros accipiat. Epistolam verò  
 istam ad Summum Pontificem, cupio tuam  
 esse

esse, & animi tibi mei mancipati tesseram. Pro TINERE MOGUNTINO, verè aureo scripto gratiæ reliquæ sunt, quas quia referre non possum, dico, & obstrictum me profiteor. Sane quam optas & ominaris parem veris mihi & ingenii amœnitatem, hîc inveni. Vale. LO-  
vanii, in Arce, III. Nonas Maii. ∞. 156.  
XXXI.

## EPISTOLA XV.

*Duderhofium.*

JACOBUS KYTTE,

*Libero Baroni in Duderhof.*

**A** Libi vivere, alibi etiam amari & æstimari, litterarum quædam felicitas est: sed hanc ut & ego agnoscam, benevolentia tua facit. Quantum ames, laudes indicant, effusæ, copiosæ, & pondere suo laborantes. Totæ nonnisi laudes litteræ tuæ sunt: imò flammæ sunt, & ardorem mittunt. Frigus & gelu sim, nisi incalescam. Aliudne dicam? Inhumanus sim, nisi tuus: non jam remotus, licet absens; nec jam infelix, quia alloquio  
tuo



tuo dignus. Scripta si fortassis tibi mea imponunt, saltem conatu placere cupio: æstimari etiam patior, cùm ad stimulum eruditione videam valere. Sed an eo tu indiges, nobilissimâ indole incitatus? Habens Patrem summum virum, & virtutum omnium lumine inclytum, quem sequaris: habes Regem quem armis litterisque æternum, etiam summi suspiciunt, meliorem quoque, quàm ut Bello occupetur. Bene est: quia Clarissimum & parem priscis amas & æstimas **V O S S I U M** meum, in me affectum transfers. Facis amando æstimando, ut tibi adesse, apud te vivere vel maximè videar. Sic nunc & Perillustri Parenti tuo cultum meum insinuabis. Vale. Lovanii, in Arce, xv. Kal. Jun: ∞. 166. xxxi.

## EPISTOLA XVI.

*Bruxellam.*

**JO. JACOBO CHIFFLETIO,**

*Equiti, Archiatro Regio.*

**D**octum esse, & ad Rempublicam vim ingenii conferre, gemina laus est: occupatum

patum esse, & tamen ingenio vacare, divi-  
nioris naturæ argumentum est. Te respicio:  
nam ut munus tuum est, gravissimo negotio  
& lætissimo otio libratur. Prorsus tanquàm  
vitæ divides tempora, Principi ac tibi, nul-  
lum in aula officiorum omittis momentum,  
nullum domi studiorum. Post labores libri  
sunt, ac respiras, ubi alij labores putant:  
legis, scribis, lucubras, ubi etiam quies hone-  
sta est. Sic, ut magis **VESONTIONEM** tu-  
am illustrares, **SACRA** tibi **LINTHEA** nu-  
per & postea **PORTUS ICCIUS**, magnâ  
eruditionis famâ scriptus est. An satis? Inter  
alia nunc opera, splendidissimum aggressus  
**VELLERIS AUREI ORDINEM**,  
omnium in eo Equitum **INSIGNIA**  
**GENTILITIA**, Fecialium verbis enun-  
ciata, quod difficillimum erat, Latina facis.  
Nescio quis id ausus esset, nisi fieri posse tu  
ostenderes; & ore Romano, quicquid non  
Romanum est felicissimè proferres. Cùm sic  
loqui detur, minùs est quicquid pingi solet.  
Ostendis colores, licet non exprimas; & ca-  
lamo doces, quid sequi penicillus debeat. Hic  
igitur Equites & insignia sunt: & quorùm E-  
quites, nisi insignia sciamus? Non minùs hæc  
profectò ipsa, quam qui ea usurpant, &  
Vellere, & Torque exornantur: imò in uno  
aliquo

aliquo putes Equite totam stirpem resplendere. Circumdat scutum Torques, ut tanquam à scuto Vellus dependeat, quo pectus quisque suum locupletat. Tam religiosè etiam hîc agitur, ut insignia non nemo malit, quàm nomina usurpare; recuset nomina, nisi quæ insignia sint, nihilque nominis habeant. Illa singulorum, hæc familiæ sunt, & velut indicia ac testimonia Nobilitatis ostentantur. Sed quid? Hominem esse, quàm Nobilem, prius est: omnisque hæc picturæ in scutis varietas simplicissimam, ut opinor, originem habuit. Ita etiam, quæ ad usum primi: tûs inventa sunt, ad ornatum sensim prorepserunt, non instrumenta tantùm vitæ, sed & munia. Homines ipsi cùm à fera & agresti vita ad civilitatem aliquando venirent, statum quisque suum & conditionem, proprijs assumptisque velut signis denotabant. Distin-  
gui, necessarium erat; sciri, monstrari, emi-  
nere, mox pulchrum omnes arbitrati sunt. Cùm gradus fierent, & alii loco, alii ani-  
mo, alii stemmate præstarent, etiam virtus  
pompam quæsit. Hinc honorum tituli, di-  
gnitatum tesserae, appellationum formulæ, fa-  
miliarum notæ, armorum imagines, insignium  
colores; nec uno hæc omnia apud gentes om-  
nes nationesque ritu. Nobilitas præcipuè, ut  
splendo-

splendorem assumeret, & singulari modo conspicua esset, titulos illos, tesseras, formulas, notas, picturas, quadam etiam generis prerogativâ sibi vindicavit. Et quis igitur miretur in THRACIA olim frontem quosdam notis compunctam habuisse? In BRITANNIA corpus glasto pictum? Apud INDOS & ATHENIENSES vulnera aurium & auri gestamina in signum *εὐρυτείας* valuisse? Apud ROMANOS quoque lunulas in calceis, bullas in pectore gestatas.

————— *Et Nobilis & Generosus*

*Appositam nigra lunam subtexit aluta.*

De statuis & ceris nihil dico: nihil de atriis, fumosâ imagine instructis. Postquam enim à BARBARIS ROMANI victi sunt, arma insignia facta. Scutum pingi cum casside placuit; ut bene aliquando pugnasse, Nobilitas esset, virtutisque militaris nomen, gentem, stemma constitueret. Sic jam & qui non pugnant, arma gerunt; & tanquàm adhuc VENUS MARTEM amet, mulieres armantur. Serò tandem res ad artem venit, miroque studio & ingenium exulta est. Tot regulæ formulæque natæ & constitutæ, quot inter metalla colores sunt, & quot modis emicant: An dicam? quot formis dividi, decussari, obliquari, area scuti potest:

potest: quot fascias, tēnias, limbos; quot palos, vectes, capreolos habet; quot turres, ædes, castella; quot undas, nubes, astra; quot aves, pisces, quadrupedes; quot ungues, dentes, cornua; quot arbores, herbas, flores; quot faces, lampades, ignes; quot rhombos, globos, laterculos; quot instrumenta, machinas; moles. Videmus & galeam variari, nunc clausam, nunc apertam, & clatrata, nunc rectam, nunc versam & obliquatam, nunc ferto redimitam, coronâ cinctam, fastigio turbinatam. Etiam à metallo hîc dignitatis pretium est, & excellit quod maximè avaritia æstimat, quodque igni à *PINDARO* comparatur. Rem diffusam dicas, delicatam scientiam, curiosam censuram. Ut ea sunt quæ dixi, & non dixi, intelligere omnia, ordinare singula, arduum est; sed præcipuè efatu omnia, verbis singula complecti, morosum & immensum. Et tamen tuum id ingenium potuit, eloquium potuit: facis, quicquid Reges armorum faciunt; quod majus est, dîcis quicquid facis. Hæc otia tua sũt, ut facilius negotia feras: hæc privata, ut publicis sufficias. Ostendisti profectò *PALLADEM* non *MERCURIO* tantum, sed *APPOLINI* & *ESCULAPIO* jungi. Et quomodo non ad *PALLADEM*

C.

hæc

hæc armorum & insignium mysteria, hæc nobilitatis argumenta referam? Ad PALLADEM, quam nisi tuam dixerō, parum aut nosse, aut colere ipse videar. Itaque nomen tuum quoddam deinceps quasi numen Artis hujus erit: à tua mente, quæ dubia aut obscura sunt, lucem accipient, à tua lingua animam ac vitam. Nescio equidem, industriam an felicitatem scriptionis potiùs mirer. Effecisti meherclè, ut jam pingere insignia, & ornare arma sine coloribus liceat; ut metalla verba sint, tamque scribi quàm cudi queant. Et quantum igitur Nobilitas omnis, imprimis autem totus tibi VELLERIS ORDO AUREI debet! Aeternitas inventa est. Fugaces colores sunt: Scriptura (hæc tua est) aboleri nequit. Metalla tempori & injuriæ obnoxia; verba & eloquia (& hæc tua sunt) ut nunquam moriantur condita sunt; cum ad nullam etiam ducuntur senectam, extra naturæ legem rerum hominumque memoriam collocant. Ergo hic liber tuus, qui IN SIGNIA GENTILITIAE EQUITUM ORDINIS AUREI VELLERIS continet, colore quocumque constantior, & aere perennior erit,

*Quem non imber edax, non Aquilo impotens  
Possit diruere, aut innumerabilis*

*Annorum*

*Annorum series, & fuga temporum.*

Non erunt aliqui aliquando Equites, non erunt insignia; in tuo tamen libro erunt. Sed hunc cum laudo, cæteros tuos, & jam paratos exigo; ut post *INSIGNIA*, plenam & luculentam *AUREI VELLERIS HISTORIAM* in lucem proferas, illud tot siderum cælum, illud virtutis & gloriæ theatrum. Ad voluptatem omnium faciet, tot imagines Principum vero Ordinis amictu & ornatu repræsentari. Cernemus igitur partim scuta & galeas, pleno majestatis decore coruscas; apices & pennas, regali stemmatis jubare fulgentes: partim sigilla, copioso symbolo animata; nummos, imagine triumphali pretiosos. Cernemus denique comprehensam his omnibus, & distinctam tempore, contractam compendio rerum imaginem ad victorias triumphosque Principum exhibendos idoneam; quæ una potissimum consideratur. Etiam post hanc liberalitatem reliquator eris magni illius, & maximè flagitati Voluminis (an luminis dicam?) quo *ORDINES OMNES MILITARES*, & plerique hætenus non descripti, sciri tandem perfectè incipient. Tantùm Vir Doctissime, potes; tantùm quoque Reipublicæ debes: nisi à te ornetur, neglectam se putabit;

nisi te vicissim ornet, ingrata audiet. Deus meliora ! Quia pulchra, solida, magna scribis, magnus ipse eris : quia sæculum illustras omnis ad te splendor rediturus est. Vale, & aliquam tui partem me cense, aliquam Fratris tui, *HIERATOPARCHÆ BEL-LIFONTANI* : in quo Viro elegantiae & candoris laudem recuperasse sæculum nostrum videtur. Iterum vale, & feliciter quæ edis ede. Lovanii, in Arce, v i i. Kal. Junias. ∞. I O C. XXXI.

## EPISTOLA XVII.

*Bruxellam.*

**AURELIO AUGUSTINO  
MALINÆO,**

*Equiti, in Suprema Brabantia Curia  
Senatori, postea in Sanctiori ; ac  
jam demum in Summo Senatu Sta-  
tus Belgici in Hispaniis Consiliario  
Regio.*

**U**T scriberem, veteremque affectum novocultu contestarer, vel hæc nunc occasio

fio



ſio arripienda erat. Amicum ecce, & aliquan-  
 do Auditorem meum benignitati tuæ com-  
 mendatum eo. Amico debeo omnia, & omnia  
 à me exigere Auditor poteſt. Officium verò  
 meum cum merita ejus hic ſtimulent; quem  
 doctum, prudentem, integrum, & Reipubl.  
 idoneum ſcio, optem in Concilio veſtro La-  
 ticlavi participem fieri. Ut igitur nomen ejus  
 in numerum recipere Benignitas tua velit,  
 quantum poſſum rogo. Candidatum favor  
 fortassis Principis complectetur. Te quoque  
 nonne & Amicum, & Auditorem imò &  
 Contubernalem habui? At nunc velut Pa-  
 tronum, virtute, Doctrinâ dignitate eminentem,  
 colo. Quare ſi quid in gratiam Amici &  
 Auditoris factum erit, factum mihi putabò,  
 & memori beneficium, animo agniturus ſum.  
 Sanè quemadmodum tuus ſum, ita & hic A-  
 micus erit. Sum verò, & ero ſemper, affectu,  
 obſequio, cultu. Lovanii, in Arce, Eid. Ja-  
 nuarii, ∞, MCC. XXXII.

## EPISTOLA XVIII.

*Venlonam.*

HENRICO WEBBERO,

*Crucifero.*

**Q**UO affectu & curâ filium meum utrumque cōplectaris, non desinit ad me Affinis meus perscribere, & ostendunt ipsi qui instituantur; semper solliciti, ut quod jam intelligunt beneficium, à me potissimum æstimeretur. Id profectò animo magis quàm calamo hæcenus feci: litterasque inanes censui, quæ sine hostimento mitterentur. Ut gratiam igitur referrem potiùs quàm scriberem, distuli profiteri quantum debeam, & peccanti similis fui. Hanc ecce culpam deprecor; veniam dignus, quia quemadmodum obstrictus sum, ita non ut declinarem sortem, sed ut adjicerem fœnus, reliquator fui. Cogita me tuum esse: ac ne dubites, respice pignora quæ habes, nec posse à Filiis Patrem separari. Si temporum permitteret ratio, adessem ipse, & quæ satis scribi nequeunt, dicerem: quæ  
satis

satis dici nequeunt, præstarem. Præstabo tamen, & bonum, ut sic dicam, nomen ero: quod cum Doctorum studeam hominum benevolentiam attollere, tuam imprimis familiaritate stabiliam. Ita vale, sed quo affectu & curâ Filium meum utrumque complecteris, Patris ipse nomen sustine. Id enim bis jam erit Præceptorem esse. Lovanii, in Arce, Kalendis Aprilis. ∞. 12C. XXXII.

---

## EPISTOLA XIX.

*Leodium.*

SILVESTRO PETRÆ  
SANCTÆ,

*Societat. JESU, Theologo  
& Mathematico.*

**M**etaphoræ tuæ, totidem mihi gemmæ sunt, & in Bibliotheca mea relucet. Gemmæ, & Auctorem suum ostendunt verè Gemmam esse, malè Petram appellari. Si amplius est SANCTUM esse quam SACRUM, non violabo nomen tuum; sed quicquid scribis, sanctum inscribam: gemmarum interim omnium

nium pretium in Petra æstimabo. Nunc **LINEAM** istam vide, & velut gratiæ tesseram cape; quâ **PRINCIPIUM DIERUM HIERATICUM** continetur: imò **CIRCULUM** vide, quo Orbem terrarum dividere placuit, ut quàm maximè tibi jungeretur. De Sacris hîc agitur, ordine celebrandis: dedicari inventio Sacrorum Principi debuit: inscribi **URBANO**, qui ut **Maximus**, ita quoque **Doctissimus** est, non minùs ingenio, quàm imperio, nec minùs eruditione quàm religione mundum complexus. Omnia dabit, qui diem dabit; qui ut consecret **DIEM**, novo nomen **CIRCULO** suum concedet. Ad Pontificem exemplar missum est: quidni ad illum quoque, qui Pontificem in **INFERIORE GERMANIA** nostra repræsentat? Quid dicam? Illustrissimum & Reverendissimum **CARAFFAM** veneror, & propitium huic præsertim **LINEAE** meæ cupio. Tu facies, aut minùs me amabis: imò facies, aut minùs te **Doctissimus**, **Facundissimus**, **Elegantissimus** Pater **TYMPELIUS**, qui totus est meus, amabit. Vale. Lovanii, in Arce, **xvii. Kal. Septemb. œ. dcc. xxxii.**

EPIS-

## EPISTOLA XX.

*Madritum.*

JOANNI DELA FAILLE,

*Societatis JESU, in Academia  
Madritensi Regio Mathe-  
seos Professori.*

**D**E CIRCULI GRAVITATE  
DEMONSTRATIONES tuas do-  
ctissime & Admodum Reverende Pater, non  
vastum quidem, sed subtilissimum & dignum  
Regiâ Cathedrâ Opus, accepi. Admiror sin-  
gula, laudo omnia, & velut ingenii thesau-  
rum hanc Doctrinam habeo. CIRCULI  
pretium ignorare egebantur homines, etiam  
Docti, nisi tu gravitatem ejus expendisses. Sed  
ego crassiore MINERVA examinare quo-  
que CIRCULUM aggressus sum, qui Di-  
em & Principium Diei contineret. Mitto  
exemplar, & judicium tuum ambio. Quia  
enim majore aliquâ stili pompâ etiam Regi  
nostro, quæ ad summum Pontificem com-  
pendio

pendio missa sunt, proponere constitui ; à te  
 ducendus & dirigendus sum. Indulge mihi  
 censuram tuam, Doctissime Pater, tam seve-  
 rè, ut à benignitate non recedas ; tam benig-  
 nè, ut veritatem malis quam amorem pro-  
 fiteri. Severus esse non poteris, nisi ut amo-  
 rem indices: amare non poteris, nisi velis se-  
 verus esse. Aliquâ sic argumenti fiduciâ lo-  
 quor: CIRCULUS est, sed URBANIA-  
 NUS, ut ipso nomine allubescat ; *Ἀρχηγευὶς*  
 ut totus intelligatur. Pro CIRCULO  
 autem CIRCULO gratiam dicere, oppor-  
 tunum censui. Vale. Lovanii, in Arce, XI.  
 Kal. Septemb. ∞ . I D C. XXXII.

## EPISTOLA XXI.

*Bruxellam.*

BALTHASARI NARDO,

*Philologo, & Protonotario Apostolico.*

CIRCULUM hunc ad te mitto, quia  
 novum, quia URBANIANUM, quia  
 meum. Etenim post tam variam aliorum in-  
 dustriam ac solertiam, aliquid etiam inveni-  
 re ausus

re ausus sum, quod iudicium subiret omnium,  
 & tuo potissimum staret: usurpare Pontificis  
 Opt. Max. Nomen, quod omnes, & te præ-  
 cipue alliceret. Satis autem erat, Meum di-  
 cere, ut & novitas & nomen placerent: imò  
 satis, ut benignus esses, & ad legendum  
 imò censendum animum adijceres. Nimirum  
 tam iudicium tuum æstimabo, si tanquam  
 Censor legeris, quàm amplectar Elogium, si  
 tanquam Amicus censueris. Quid etiam? A-  
 micum te putabo, si Censorem experiar si de  
 CIRCULO isto novo, URBANIANO,  
 meo quid omnino statuas, intelligam. Vale.  
 Lovanii, in Arce, v. Eid. Septemb. ∞.  
 MCC. XXXII.

## EPISTOLA XXII.

*Bruxellam.*

THEODORO WALLÆO,

*Ordinis Eremit. S. AUGUSTINI,*

*Gymnasii ejusdem Litterarii*

*Lovanii Præfeco.*

Q. Uotidie scripturo impedimentum quo-  
 tidie objectum est. Nosti Conditionem  
 meam

meam, & muneris. Nunc ecce momentum temporis vacuum est; & quidni igitur tuum? Sic enim magis meum erit. Nova quæ scribebas, grata erant: gratissimus affectus, quo scribebas. Non possum jam officio respondere, possum affectui, ac licet nihil nunciem, vehementer amo. Ingenium, Doctrina, & ipse me candor tuus cepit, utroque illo Parente natus: nisi filium malis appellare. Sanè quia ingeniosus & Doctus es, candidus es: vel potiùs quia candidus, majori laude ostendis te ingeniosum doctumque esse. Conserva has dotes, & sic me ama, ut sæpiùs velis scribere: sæpiùs scribe, ut constantem esse amorem intelligam. Vale. Lovanii, in Arce, v. 1. Kal. Decemb. 00. 1700. XXXII.

---

## EPISTOLA XXIII.

*Gandavum.*

### JEREMIÆ PIERSENÆO,

*Consiliario Regio.*

**M**Erę delicię mihi tuę litterę fuęre: versus, Methesauri. In illo munere imò in illo onere  
tam



tam Apollineum te esse ! Ornas hac ingenii  
 felicitatem unus, onus etiam sublevas: osten-  
 dis autem divinis ingeniis nihil negatum esse.  
 De Sacerdotio filius meus jam mentem, imò  
 suam aperuerit: non potest enim suam à mea,  
 sed neq; vult ullo modo separare. Quia igitur  
 sedem vitæ & votorum in Urbe vestra, id est,  
 augustissima, fixurus est: & ego vester inter-  
 dum ero. Sed quantum amabo filium, te co-  
 lam, & in te Doctrinam, virtutem, eleganti-  
 am venerabor. Ardentis hujus affectûs no-  
 vam ecce tesseram, has VINDICIAS CIR-  
 CULI URBANIANI mitto; imo ipsum  
 CIRCULUM, VINDICIIS annexum.  
 Si tantum otii erit, inspice, & me ausum di-  
 ei principium in orbe terrarum constituere,  
 ama. Toto animo te complector; & rogo, ut  
 filio meo tanquam alter pater sis, qui me fra-  
 trem potes appellare. ita Vale, Vir Amplis-  
 sime, & florentem diu familiam habe. Lova-  
 nii, in Arce, v. Kal. April. ∞. 15C. XXXIII.

## EPISTOLA XXIV.

*Mechliniam.*

JACOBO ROELANIO,

*Equiti, Toparchæ de Henthaut, in Su-*  
*prema BELGICÆ Curia*  
*Consiliario Regio.*

**F**iliū tuū minorem jam complexus e-  
ram, egregiā sanē indole & formā adoles-  
centem, ac virtute dignum. **FORTES CRE-**  
**ANTUR FORTIBUS ET BONIS.** Sed  
tuum esse, hoc ad laudem satis est. Ille verò  
ostendit se esse. Qui inter pueros & adoles-  
centes excelluit, inter Viros quoque emine-  
bit. Sic pergat **PHILOSOPHIAM** dis-  
cere, quemadmodum **POETICAM** & **RHE-**  
**TORICAM** didicit. Me quoque cū au-  
dire incipiet, tanquā Patrem inveniet, imò  
priusquā incipiet. Officiā enim omnia,  
quemadmodum tibi debeo, ita & tuis per-  
soluam. **CIRCULVM VRBANI ANVM**,  
nuper miseram; nunc ut **THEORESIN** i-  
stam

nam videas rogo, & me ames. Vale Amplissime Domine & Patrone, imò vive & felicem latumque hunc & plures annos habe. Lovanii, in Arce. Prid. Kal. anni novi. ∞.

I O C. XXXIII.

## EPISTOLA XXV.

*Bruxellam.*

JOSEPHO GELDOLPHO  
RYCKELIO,

*Abbati Gertrudano.*

**D**ies istos hilaritati destinatos sic transigo, ut vix putem dies esse, sine joco, risu, ludo, quia suavissimâ consuetudine tuâ destituor. Aliquid lucis litteræ attulerunt, colloquii vice tamquàm voce. Videre enim visdeor, quem lego; audire, quem sola mente & cogitatione complector. STREITHAGENIESTASIS lepida est; sed me tamen recreare hoc tempore nequaquam potuit. Durusne sum? At fortassis nimis delicatum deprehendes. Ferre jam nequeo quæ tristia sunt; minùs quæ jucunda. Quid agam igitur?

Er-

Eadem, quæ soleo, sed non eodem animo. Idem sum, & jam alius. Alia sunt omnia, quæ fallaci hætenus vultu blandita sunt: exosa, quia fallere potuerunt. An clariùs? Sed coram dicam, & miraberis. Miraberis quoque hunc titulum, *IDEA HEROICA* expressum. Nimirum, non contentus *UNO, UNAM* quoque laudare volui. Unam inquam, & quam omnes lugemus. Vale, veni, & me ama. Lovanii, in Arce, vii. Kal. Martias. ∞.  
I O C. XXXIV.

---

EPISTOLA XXVI.

*Bruxellam.*

HIERONYMO  
A CASTAÑEDA,

V. N.

**T**U verò invenire amœnitatem in *UNO* potuisti, quia ipse amœnus es, & elegantiarum ingenio spiras, sermoni litterisque inspiras. *IBERUS* es, sed eruditus es, & quantum gratiæ rident, moribus exprimis. Belluz sint, qui

qui bonis & dignis homine studiis infestis: te amo & æstimo, qui cælo quàm terræ vicini-  
or es, radiisque ingenii luces: meus nuper ut  
semper esses; quemadmodum tuus ego esse a-  
liquando cœpi, ut nunquam desinerem. Si a-  
liquid *BELGÆ* habes, & ego *IBERI. BELGÆ*  
potiùs non sim, quàm totam *IBERIÆ* gen-  
tem non diligam, illam verè masculam, vir-  
tuti & majestati natam; illam, ut omnia di-  
cam verè *UNAM*. Sciat hoc Illustrissimus  
Comes *SALAZARIUS*, Unus quoque,  
& dignus quoque inter Heroës censeri: quem  
obnixè rogo, ut me tuâ causâ amet, & te meâ.  
Vale. Lovanii, in Arce, Nonis Martii. ∞.  
IDC. XXXIV.

## EPISTOLA XXVII.

*Mechliniam.*

JACOBO ROELANTIO,

*Equiti, Toparchæ de Henthaut, in Su-  
prema Belgicæ Curia Consilia-  
rio Regio.*

EPISTOLA tua, mera mihi amœnitas fuit:  
brevis, sed elegantiss stipata: una, sed quæ  
omnia

omnia, ad laudem spectantia, contineat. Viri ingenii tui vidi, & ubertatem eruditionis: affectum simul vidi, quem sæpius jam expertus sum. Multa ego scripsi, ut UNUM laudarem; tua pauca multis potiora sunt: tu UNUS, qui verè me excitare potes, ut plura scribam. Opus igitur Magnum AMOENITATUM daturus sum: Opus unum, sed quo sæpius oblecteris; sæpius me laudare, semper amare cupias. Epitaphium legi, relegi, expendi, examinavi. Quid mutem, quid addam, quid demam, herclè non invenio. Incidatur, ponatur, legatur. UNUM hoc etiam, & singulare erit. Vale. Lovanii, in Arce, IV. Eid. Aprilis. MDC. XXXIV.

---

## EPISTOLA XXVIII.

*Bruxellam.*

AURELIO AUGUSTINO  
MALINÆO,

*Equiti, in Suprema Brabantia Curia  
Senatori, postea in Sanctiori; ac  
jam demum in Summo Senatus  
Statu*

EPIST. CENTURIA V. 43  
*Status Belgici in Hispaniis Consili-  
ario Regio.*

**S**cribendi occasionem ab hac I D E A mea  
sumo; quam publicam esse non putavi; ni-  
sī te quoque legeretur: nec meam esse, nisi  
tua pariter fieret. Laudes optimæ, & in cæ-  
lum receptæ Principis sunt, quam adhuc lu-  
gemus. Laudes pridem scriptæ, recenter edi-  
tæ, cū, nescirem ipse an edendæ essent. Alii  
alias virtutes extulerunt, ego paucas, & præ-  
cipuas volui, & quas Heroicas appellarem.  
Sed has paucas libenter scio inspicias, qui  
multas possides; pars incomparabilis Heroinæ  
quæ tuo & ore in sacra BRABANTIAE  
Curia iusta fuit, & ASTRÆAM expres-  
sit. Tu vive, & Amplissimi Collegæ tui vi-  
vant; existimabimus Principem mortuam  
non esse, si vivent virtutes, quæ felicem Rem-  
pub, felicem litterarum cultum facient. Itē-  
rum vive, & Vale. Lovanii in Arce, vi. Kal.  
Juli. 60. 100. XXXIV.

## EPISTOLA XXI. X.

*Antverpiam.*

JULIO BUFFALINO,

*Nobili Romano.*

**B**Enevolentia tuâ nuperâ plectus, affectum meum quasi ad familiaritatem ducere ausus sum, ut de itinere inquirerem, de valetudine, de reditu. Bene est, ANTVERPIA te habet: nec adhuc tamen scio, an firmum vegetumque. Autumnus ubique gravis est, sed in BATAVIA noxius, præsertim non assuetis. Terra arundinum quàm segetum fertilior, & in aquis suis quodammodo natans non sinit purum aëris liquorem esse. Plurimus hîc NEPTUNUS est, sed quia stagnans, reliqua elementa inficit. ANTVERPIÆ commodè quidem eris, sed amœniùs apud nos, quippe in MUSARUM Urbe. Atque ego Arcem nostram commendo, eamque in hospitium atq; contubernium offero. Utinam tam felix sim, & hæc nostra tecta te excipiant! Magis certè in animo meo, quàm domo habitabis. Si Philosophi vita placet, hîc eam invenies. Deliciæ nostræ Litterę sunt



ac majori curâ ingenium, quàm corpus nutritimus; non ut vivamus tantùm, sed ut æterni simus. Si de valetudine tamen agitur, molliùs curaberis, quàm ANTIOCHO oculi curari solent. Cogita, non MINERVAM tantùm sed & HYGEIAM in Arce nostra coli. Vale, ut venias; vel veni, ut valeas. Veni, inquam, Perillustris Domine, ut coram gloriæ tuæ ingenium meum consecrem, quemadmodùm benevolentiz animum mancipavi. Unam jam quæro famam quam BUFFALINI nomen faciat. Lovanii, in Arce, Kalendis Decembribus. ∞.  
I D C. XXXIV.

---

## EPISTOLA XXX.

*Mechliniam.*

JACOBO ROELANTIO,

*Equiti, Toparchæ de Henthaut, in  
Suprema Belgicæ Curia Con-  
siliario Regio.*

**T** Andem verò intellexi, IDEAM meam  
HEROICAM in manus tuas non ve-

nisse. Per Generum meum miseram, quem postea sævus ille & popularis morbus abstulit. Interea temporis cum exemplaria omnia distracta sint, & in museo meo bina adhuc servantur; reliquias istas ecce divido, ac superesse mihi librum existimo, non quem servo, sed quem mitto. Inspice igitur, & in publica jam lætitia, luctum præteritum vide: vide Principem, quæ satis lugeri non potest. Sequetur mox PURPURA, quam scripsi AUDITORIACA, ac tota hilaris, omnem tristitiæ nubem floridâ quadam novi Principis imagine dispellet. Quæ à Filio tuo D. PETRO scripta sunt, laudem sanè ac lucem merentur. Ostendit ille Oratione satis magnâ, quia bonâ quid ingenium possit eloquio exercitatum. Ego, ita me Deus, recreatus sum, vibratos acumine sensus videre, & elegantiam sine tumore magnificam, proprietatem sine vilitate familiarem. Sed iudicium meum nuper expressi. Videat Princeps, quid Filius ROELANTII possit: esse in juventute nostra, quos amare incipiat. CNOBBARUS quidem excudere Orationem paratus est: qui in PURPURA jam occupatur. Vale, Vir summe, & me semper ama. Lovanii, in Arce, xi. Kal. Feb. 60, 1550. XXXV.

## EPISTOLA XXXI.

*Bruxellam.*

MARTINO DE MUNARREZ,

*Ser.<sup>m</sup> Principi à Secretis.*

**A** T tollere etiam affectum meum incipio, & grandire cultum, postquam ad maiorem virtus tua honorem evecta est. Serenissimo Principi ab intimis Secretis esse, non cuiusvis est. Huic Muneri te parem esse, Rex scivit, prudentiam tuam, integritatem, fidem æstimavit. Nostrium igitur est, gaudere, lætari, gratulari: omnium, meliora agnoscere facta temporum, quæ temperiem suam accipient. Silenda tuta erunt, scienda ornabuntur. Hæc etiam famâ Principis bonitas constat, bonos esse qui proximi & intimi sunt, nec posse reprehendi: hæc felicitas Principis, bonorum ministerio uti; quidquid enim hi agunt illi imputatur. Te sciunt omnes bonum esse: quia experientur, ad se quoque putabunt hanc felicitatē pertinere. Mihi quidem suavius erit, tractare deinceps studia bonæ mentis ac litte-

D4

rarum.

rarum, quæ cum tuus complectetur favor,  
 sterilefcere benignitas Principis non finet:  
 intelliget autem riganda & fovenda esse, ne  
 sterilefcant. PURPURAM AUSTRIA-  
 CAM strenz loco offerendam præparave-  
 ram: sed acre quod passi sumus gelu typos  
 illos præsertim Purpureos non parum impe-  
 divit. Etenim ut à colore quoque ornamen-  
 ta adoptarem, quibusdam saltem in exempla-  
 ribus, puniceum illum usurpavi. Miraberis  
 omnes rubere litteras potuisse, quæ noctis co-  
 lore formosæ sunt. Sed CADMÆ Filias hæc  
 verecundia decuit; imò hic splendor, ut quæ  
 Purpuram explicarent; purpureæ ipsæ fierent,  
 & Purpurato sic Principi placerent. Mora  
 adhuc paucorum dierum erit, & veniam eti-  
 am neglectâ valetudine, librum allaturus: ab  
 ipso autem Serenissimi Mæcenatis vultu vi-  
 gorem ac robur capiam. Quid? Te comple-  
 ctar, & valebo: sic ipse vale, vive, & me a-  
 mare perge, ante Amicus, nunc Patronus.  
 Lovanii, in Arce, 1 v. Eid Feb. ∞. 156.  
 xxxv.

## EPISTOLA XXXII.

*Venlonam.*

JOANNI PUTEANO,

*Fratri suo.*

ET nos belli molem acri obsidione sustinimus, læti, quia liberati. Deus opt. Max. servavit Urbem, humano propemodum auxilio omni destitutam: servavit Provinciam Universam in una hac Urbe, quæ si vinceretur, sedes belli futura videbatur. Hostes igitur tractâ in Obsidione undecim dierum morâ, discessere, fugientibus similes, fame, siti, morbis victi. Quid egerimus & passi simus, accuratâ scriptione designo, totam publicè Obsidionem repræsentaturus. Quæ bone Deus tempora! Meliora Deus dabit. Sed vos quomodò? Scribe ad me quæso, & fratrem Prætorem saluta. Lovanii, in Arce, Postrid. Non. Julias. 60. 156. xxxv.

D;

EPIST.

## EPISTOLA XXXIII.

*Bruxellam.*

DIDACO ACEVEDIO

*Turme Equitum Praefecto.*

**M** Agnum beneficium Perillustri nomine tuo signatum est : quod filius meus **MAXIMILIANUS** an ego acceperim dubites, an potius uterque. Magnum vocavi, & geminum quoque est; ut geminam quoque deberi gratiam profitear. Prorsus ad felicitatem filii mei facere arbitror, vexillo eum donatum esse: ad maiorem tuo. Geret vexillum, quod sequantur equites tui ac respiciant, ut fortes sint: ut rectè gerat, in exemplum sibi virtutis te Ducem suum proponet: dirigendus à promptissimæ manus ac mentis Domino **CHRISTOPHORO CONTRERA** tuo, quem cum tuum dico, totum laudo. Minori igitur titulo filius meus tuus erit, & ego quocumque, cultum meum obsequiumque gloriæ tuæ semper delaturus. Lovanii, in Arce, 1 x. Kal. Augusti. ∞.

100. XXXV.

EPIS.

## EPISTOLA XXXIV.

*Bruxellam.*

PETRO VIVERO,

*Societatis JESU, Concionari  
ori Regio,*

**D** Olorem meum quomodò satis exprimam ? Verbis an lacrymis ? sermone an silentio ? Lugeo publicè virum, quem & privatim amisi. Lugeo Patrem, quem non aliter omnes appellant. Satis verborum est : lacrymæ utinam in sinum tuum fluant ! Sed sermonem impedit dolor, & quia loqui nequeo, silentio augetur. Ad Deum me converto, ad te mi Pater, ut Deum inveniam, & ipsa Pietas doloris officium absolvat. Arma Duce, Litteræ Patrono destitutæ sunt : quis succedet ? Spes igitur omnis in ipso serenissimo Principe Cardinali sita est. Hunc nobis Deus servet, & è luctu resurgemus. Te nunc rogo, Optime, Doctissime, Facundissime Pater, ut benignitatis tuæ in me radium derives.

ves. Solatium posco affectum tuum: sic enim  
desinam miser esse. Posco auxilium, quo  
laudare possim quem lugeo, à lacrymis ad  
verba, à silentio ad sermonem redire. Vale.  
Lovanii, in Arce, vii. Kal. Septembris.  
OO . IOC. XXXV.

---

## EPISTOLA XXXV.

*Mechliniam.*

JACOBO ROELANTIO,

*Equiti, Toparcha de Henthaut, in Su-  
prema BELGICÆ Curia  
Consiliario Regio.*

Affectum Filii tui PANEGRICUM  
sedulò legi. Quid sentiam? Παῦρα μὲν, ἀλ-  
λὰ μάλᾳ λυγρῶς. Suis sanè exsurgit nervis &  
ornamentis oratio, & tanquàm majestatem  
assumat, dignam se omnium oculis facit. In  
sensibus acumen est, in verbis splendor, in  
utrisque Affectus. Plura velis, meliora non  
desideres. Hæc enim eâ stili felicitate scripta  
sunt, ut placere vel ipsi possint, cui inscripta.

Agnosces



Agnosces filium; tuum ille ingenium atque  
 iudicium expressit. Amabis filium; ostendit  
 ille hoc Affectu se tuum esse, præstare ingenio  
 atque iudicio, id est patriissare. PURPURA  
 quidem mea ad Typographum missa est: quid  
 si iisdem typis Affectus filii tui excudatur?  
 Qui istam leget, hunc certè non aspernabitur.  
 Vale; & quantum doctrinam omnem, om-  
 nemque dignitatem litteræ atque Elegantiæ  
 ornet, tuo sine ut exemplo publicè doceam.  
 Lovanii, in Arce, prid. Kal. Jan. anni novi.  
 ∞ . 1700. xxxv. Quem novus Princeps  
 lætum faciet, & gloriâ suâ illustrabit.

## EPISTOLA XXXVI.

*Bruxellam.*

ROBERTO MALDEGEMIO  
 GRIMAREZIO,

*Legionis Fontaniana Legato.*

Virtutis ac Nobilitatis tuæ genium vene-  
 ror, qui litterarum & librorum elegan-  
 tiis delectatur. Arma sanè his potissimum or-  
 namentis arma sunt, & hinc lumen, ubi famam  
 merue-

meruerint, capiunt. Ego ut in Litteris Librisque versor: ita quoties ævi Antiqui lego virtutes, scribere nostri gestio: nostrum cum antiquo comparare. Magnam & luculentam hic annus materiam dedit, egregiis facinoribus illustrior, quàm calamitatibus miserior; stilo certè & ingenio scribentium dignus. Me nec munus meum silere sivit. Scripsi HISTORIÆ BELGICÆ librum singularem de OBSESSIONE LOVANIENSE, comple-  
xus obiter, quæ ad belli totius fortunam, & vicinarum constantiam Urbium faciunt. Virtus hæc profectò Præfectorum fuit: tua fuit, quâ animati sunt, qui præcipuè videbantur peti. BRUXELLENSIUM igitur gloria cum tua conjuncta est: quam utramque paucis quidem verbis ad præsentem vocavi HISTORIAM; ut majore opere & occasione prosequar. Hoc officium meum consiliumque si placere intelligam, magis magisque pergam virtutis ac Nobilitatis tuæ genium venerari. Vale, & conatum meum tuo quoque patrocinio dignare. Lovanii, id. Apr. ce, III. Non. Januarii. M. DC. XXXVI, Quem prosperum & gloriosum nomini virtutique tuæ magno cultu voveo.

EPISTOLA XXXVII.

*Bruxellam.*

E I D E M.

**M** Alè litteras colam, nisi virtutem in viris  
Magnis Bellicam venerer. Meum certè  
hactenus ingenium hoc studui conatu attol-  
lere, meum nomen alienâ famâ. Sic igitur il-  
lustriorem jam puto HISTORIAM OB-  
SIDIONIS LOVANIENSIS fore, in  
qua ALDEGHEMIA & virtus, peculia-  
ri titulo Fidelitas legetur. Quâ potissimum  
formulâ usus sum, & quâ studia tibi, mea  
commendare ausus, schedula adjuncta indi-  
cabit. Si non peccavi, permitte ut majori  
cultu Familæ me. MALDEGHEMIAM  
devoveam; imò permitte ut etiam patroci-  
nio deinceps scribam. Ita licebit sanè, & lit-  
teras colere, & virtutem in Viris Magnis bel-  
licam venerari. Vale. Lovanii, in Arce. Prid.  
Eid. Januarii. 1706. XXXVI.

## EPISTOLA XXXVIII.

*Franekeram.*

N. SCHOTANO, V.C.

**N**EC ignotus mihi, nec ἀσολήγος SCHOTANUS est; quamvis remotus, & modestiæ quodam velo, imò vallo circumseptus. Ingenium eruditione accensum, tantquam flamma lucet: nebulas & nubes vincit, & quidquid tenebrarum est. Tuum igitur è caligine mea video, & simul exurgo, ut verner: scintillam video, & velut testem doctrinæ tuæ, elegantissimæ indolis juvenem; & quidni complectar? Rari tales sunt: sed qui sic amantur, facilè ad laudem veniunt; qui sic laudantur, cujus non amorem impetrent? Meum puta, quem scriptionis officio, & simul Elogio ostendis tuum esse: quem commendas, ut facias meum. Atqui ego illum tuum, imò jam meum avidiùs amo, ac libentiùs laudo; ut tuus siam, & tu meus: quo reciproco nexu, & mea umbra tuo lumine obscura esse desinet, & tuo lumini ab umbra mea robur accedet. Vale, &, si amari mereor,

ar, coli te sine. Lovanii, in Arce, vii. Kal.  
Feb. ∞. 1706. xxxvi. Cum tuas recenter  
accepissem. Tempora hæc quamvis studiis no-  
stris amica non sint; nos tamen & tempora  
& studia nobis vindicemus.

---

## EPISTOLA XXXIX.

*Bruxellam.*

OTHONI ZYLIO,

*Societatis JESU, Theologo &  
Philologo.*

**M**Unusculum mitto, *HISTORIAM* in-  
quam meam, & beneficium peto; ut Ex-  
cellentissimo Comiti *NASSAVIO* can-  
didissimum animi mei cultum insinues. Si le-  
gerit, felicem me putabo: facilis autem, quia  
liber magnus non est: parvum autem redde-  
re, etiam formâ conatus sum; quam intelli-  
go sic jam plerisque placere. Me alia quoque  
caussa impulit; ut in tanta papyri inopia, pre-  
tium compendium haberetur. Character inte-  
rim nitidus est, & mediocritate suâ allubescens.  
Sed te rogo, ut omnibus his neglectis,  
E quod

quod propriè meum est, inspicias, *factum vestis*, ut cum COMICO loquar, non vestem. Judicium tuum, novum etiam beneficium erit: facies emendatione severâ, ut quod munusculum est, munus aliquando fiat. Vale, & me ama. Lovanii, in Arce, XIII. Kal. April. 1600. IDC. XXXVI.

## EPISTOLA XL.

*Bruxellam.*

FERDINANDO SANCHES,  
Ord. Erem. S. AUGUSTINI, R.<sup>mi</sup> Patris  
Confessarii Principis Cardinalis  
Socio, nunc Episcopo Agrigentino.

Tuus me lætum favor, imò felicem facit: i. Ve è mero amore profectus; gratiis velut rad. iis stipatus. O pectus aureum, è quo nō possunt nisi gemmæ profluere! Hinc igitur derivo, quod divitijs melius ac pretiosius est: non possum enim, nisi quot verba, tot solatia imò gaudia interpretari. Totum sermonis tui candore nem ad me perscripsit Elegantissimus BLAUTERSWYCKIUS meus; adeoque

adeoque permovit, ut silentium, tanquam  
 piaculum, censerem. Scribo ecce, & ut ca-  
 lami compendio exprimam omnia, Tu u m  
 me profiteor. Itaque in me, in studia mea &  
 scripta imperium habe: quæ mea deinceps pu-  
 tabo, si tua sint: tuo illo erigenda favore,  
 fovenda amore; ut te digna fiant. Hoc  
 jam ago verò, ne jaceam, langueamque;  
 aut curarum mole generosæ cogitationes  
 obruantur. Quid enim? In Arce familiam,  
 sed copiosam, impari quoque proventu alo:  
 subsidii causâ vineam Arci proximam, in  
 usum meum à Serenissimo Principe FER-  
 DINANDO AUSTRIACO petii. Bene-  
 sperandum esse Amici omnes jubent: Sed ego  
 hîc favorem tuum, imò amorem tuum im-  
 plorare audeo. Tuum & sic R<sup>mi</sup>. Patris Con-  
 fessarii, mei, & litterarum Patroni; ut voti  
 compos fiam; verè lætus & felix esse per-  
 gam. Vale. Lovanii, in Arce, vi. Kalæ  
 Aprilis. ∞. MDC. XXXVI.

## EPISTOLA XLI.

*Bruxellam.*

FRANCISCO KINSCHOTIO,

*Supremo Belgicae Thesaurario, postea**Brabantiae Cancellario.*

**C**onolationem debebam, & ipse totus in  
mœrore jacui, tot jam amicis & pro-  
pinquis orbatus, ut ipse non nisi funus videar.  
Optimum illum tandem etiam Fratrem me-  
um JOANNEM PUTEANUM quomo-  
dò satis lugebo? Fuit in eo viro verus can-  
dor, plena probitas, erudita industria, ama-  
bilis elegantia, virtus, denique majore &  
munere & honore digna. Tua illi viventi  
propitia semper humanitas fuit: ut nunc  
quoque sit mortuo, per ipsam virtutem ro-  
go. Ecce mœstissima superest vidua, & par-  
vi liberi: qui tamen non videbuntur vive-  
re, nisi affectu & favore tuo fruantur. Ejus-  
modi etiam petitio est, ut favorem merea-  
tur. Quid opus est verbis? Roga-  
re



EPIST. CENTURIA V. 61  
re malo, quam supputare. Facile etiam, ubi  
integritatis momento caussa libratur, miti-  
gato rigore humanitas præponderat. Lætior  
ero, ubi compositum hoc esse negotium in-  
tellexero: totum autem mœrorem meum,  
cùm fermone hîc tuo & affectu fruar, depo-  
nam: cùm filium tuum incomparabilem &  
ad summa surgentem, triumphare ingento  
conspiciam. Sic Vale, ô decus meum, & me  
ama. Lovanii, in Arce, 111. Kal. Jun. ∞.  
100. XXXVI.

---

EPISTOLA XLII.

*Bruxellam.*

MICHAELI DE  
SALAMANCA,

*Equiti Ordinis S. JACOBI, Ser.  
Principi Cardinali Belgarum Gu-  
bernatori à Secretis & à Con-  
siliis statûs.*

**A** Lii, ut beneficium petant, in notitiam  
priùs gratiamque se insinuant: ego con-  
E; tra,

tra, ut me insinuem, beneficium peto, familiarius deinceps virtutes tuas veneraturus. Beneficium, non mihi, sed Amico: quod si impetravero, videbor etiam ignotus non fuisse: sin minùs, incipiam tamen non esse. Curæ meæ LITTE RAE sunt, & SAPIENTIAE studia: non otiosa illa, & scholis clausa; sed quæ ad Rempublicam faciant; decus, non lucrum spectent. SAPIENTIAE quoque pars est, de Bono & Forti bene mereri. Hic ille talis, VINCENTIUS VANDENDRIESIUS, in hac ætate Virtutis præmio dignus. Militiæ magis, quàm domi educatus, MARTEM à puero induit, & plura sine stipendio stipendia fecit, non unius pugnae feliciter pugnatae, nec unius Urbis prosperè occupatae pars, suo hostilique sanguine perfusus sæpiùs, & sic formosus. Beneficium igitur quod peto, est; ut huic Bono, huic Forti in petitione præmii singulari affectu fa-  
veas: id enim erit crescenti adhuc Virtuti nutrimenta dare. Magnus aliquando erit, qui jam strenuus: arbor erit, qui jam furculus, sed si foveatur. Satsne audacter beneficium petii? Petii, tanquàm ipse accepturus. Sic verò ignotus jam non ero. Vale. Lovanii, in Arce Regia. III. Kal. Junii, 1600.  
XXXVI.

## EPISTOLA XLII.

*Romam.*

FRANCISCO BARBERINO,

*S. R. E. Cardinali.*

**E**Pistolâ tuâ nuperâ, tanquàm novâ luce, re-  
 creatus sum, cùm involuta adhuc tenebris  
 suis Musarum studia haberem. Hactenus enim  
 apud Belgas quid nisi nox fuit, belli tem-  
 pestate horrida, non unam secum ærumnam  
 trahens? Obsidionem quidem Urbis hujus  
 repræsentavi nuper: quæ secula sunt mala,  
 oblivisci malo, quàm scribere. Quippe cum  
 dolore, sine fructu memoria est. Ut aliquid  
 verò postea agerem, annum consideravi, DE  
 BISSEXTO scripsi, & novam TEMPORIS FA-  
 CULAM appellare ausus sum. An mittam igi-  
 tur? Sed nomen suum amittet, cùm in conspe-  
 ctum tuum, & Purpuræ lucem veniet. Veniet  
 tamen, & fortassis evanescet. Majori fiduciâ  
 CIRCULUM MOX URBANIANUM in manus su-  
 mam, quem vexare, ut audio, Paralogista UR-  
 BINAS pergit. Et quousque laudem? Ut di-  
 cat, solem non lucere? SEXTUS EMPIRICUS

diem non esse, disputavit olim, ut subtilis esset: sed ab hac laude novus iste PYRRHONIUS multum aberit, quàm multa nesciat, scientiâ suâ ostensurus. Nunc si permittis E. D. etiam pro Religiosis Minoritis Belgis intercedo, ut admissiohem Batavicam admittantur. Res ista apud E. Cardinalem ANTONIUM BARBERINUM agitur, ac breviter hac schedâ explicatur. Quia favore digna est, rogo ut & suam Purpura tua opem adjungat. Vale, Eminentissime Princeps, & me ama. Lovanii, in Arce, Nonis Septemb. 60. 1600. xxxvi.

## EPISTOLA XLIV.

*Bruxellam.*

AURELIO AUGUSTINO  
MALINÆO,

*Equiti, in Suprema Brabantia Curia  
Senatori, postea in Sanctiori; ac jam  
demum in Summo Senatu Status Belgici  
in Hispaniis Consiliario Regio.*

**D**E libris meis hinc cum Illustrissimo D.  
Cancellario egi: cujus humanitatem benevolen-

nevolentiamque satis deprædicare non possum. Eâ fiduciâ quâ tuas virtutes candidissimumque in me affectum colo, Centuriam Epistolarum secundam è novo apparatu ad *D. BLITTERSWYCKIUM* familiarem meum miseram; ut in manus tuas, Privilegij impetrandi causâ veniret. Nunc rogo igitur ut quemadmodum à Consilio sanctiore potestas excudendi facta est, fieri à *B R A B A N T I Æ* pariter velis. Consensu tantum opus est. Universale enim à Rege Privilegium habeo; hac verò cautione, ut libri mei Censuram Regiam subeant, priùsquàm publicentur. Post illam Amplissimi *D. CORSELI* tua mihi Regia est, & velut sacrosancta erit. Quemadmodum auctoritatem tuam ambio, ita humanitatem, imploro. Recipere Centuriam, beneficium erit: maturè, geminum. Cur festinem verò? Ut Illustrissimo *D. Cancellario*, cui inscribendus hic liber, cultum meum citiùs persolvam. Subsequentur verò plures ordine Centuriæ, & sapiùs audebo molestus esse, ut totâ humanitati tuæ ratione studiorum obstringar. Sic vale Amplissime *DOMINE*, & toti me Consilio mancipa. Ut quæ de *B I S S E X T O* scripseram, tradi typis possent, ipse Illustrissimus *D. Cancellarius* permisit. Exemplar mox

ad Amplitudinem tuam missurus sum, quam  
toto animo veneror. Lovanii, in Arce, VIII.  
Eid. Septemb. ∞ . 15C. xxxvi.

## EPISTOLA XLV.

*Bruxellam,*

N. VLEMINGIO,

*Ærarii Belgici Sanctioris Consiliario  
& Graphario.*

**V**aria fortunæ tempestas est : & quis ob-  
secro , non jactatur? Funera passim, ve-  
lut naufragia sunt , ac moriuntur plerique  
citiùs quàm ægrotant. Sic Optimus tibi Pa-  
ter abreptus est, sic frater ; ut tu salvus esses,  
virum & constantem te exhiberes. In Deum  
quis insurgat? Illi sic visum est, in cujus om-  
nes potestate sumus. Sed pater ideo pater erat,  
ut tu post illum esses : frater ostendit, etiam  
mori filios posse. Quid igitur est mori ? Ad  
Deum redire, in portum invehì, miserum jam  
non esse. Imò quid est mori ? Vitæ semper  
anxiæ curas vincere , ac de rebus humanis  
triumphare. Nobis igitur , dum vivimus,  
lucta

lucta relicta est ; suspensa semper mœrore  
gaudia , metu vota. Semel animus vindican-  
dus est , & læta ac secura omnia erunt. Ferre  
debet eorum mortem qui naturæ ordine nos  
præcedunt : nostram exspectare , quæ semper  
inpropinquo est. Interim vitam esse vitam  
cogita , inter lucem ac caliginem dividi , inter  
gaudia ac dolorem. Ad Deum mens assurgat ,  
& læta erit : rationem sequatur , & faciliè quæ  
fortuita sunt , negliget , quæ peritura , con-  
temnet. Nunc sortem quoque meam vide :  
fratrem & ego amisi , quem Optimum inte-  
gerrimumquæ fuisse , & longiori dignum vi-  
tâ , etiam invidi dicent. Ille verò me junior  
erat , & longiorem Virtuti materiam ordie-  
batur , sedulus & accuratus in omnibus : in-  
felix tamen ubi laudatissimus erat : in labo-  
res sumptusquæ tractus , quia fidem obsequio  
implevit. Quas turbas quatuor illa millia  
promptissimè soluta dederint , dolendum ma-  
gis quàm referendum est. Putes , sic implici-  
tum jam tum mori cœpisse : non adhuc quies-  
cere mortuum quia quod reliquum est cura-  
rum molestiarumquæ in mœstissimam vi-  
duam redundat. Quid nunc illa petat , nosti :  
ne frustrâ petat , tuam etiam opem confer. Ad  
Illustrissimum Finantiarum Collegium scrip-  
si : scorsim etiam Marchionem L E S B O U R -  
GIUM

GIUM & Thesaurarium KINSCHOTERUM interpellavi. Res ejusmodi profectò est, ut moderationem mereatur. Sed longior sum. Compones animum in tuo luctu: nos in nostro tuum sequemur. Vale, & me ama. Lovanii, in Arce, prid Kal. Octob. ∞. IDC. XXXVI.

---

## EPISTOLA XLVI.

*Bruxellam.*

EMANUELI DE GUSMAN,

*Equiti S. JACOBI, Magno Principis Eleëmofynario.*

**L**ibrum de BISSEXTO, Regi inscriptum, Illustrissimâ Manu Tuâ offerre ferenissimo Principi Cardinali ausus sum, & hac simul occasione Sacellum Arcis Lovaniensis Regium, sed necessario ornatu destitutum commendare. Filius meus quæ dicenda erant, dixerit: sed me nunc ipsa pietas stimulat, ut quod Deo, quod Regi, quod loco debeo, paucis saltem verbis explicem. Sine imagine altare est, in quo quotidie sacrum  
pro



pro Animabus Ducum BRABANTIAE  
 dicitur: in quo pro salute Regis Principisque  
 Deus interpellatur. Hoc illud Sacellum est,  
 in quo audire quotidie sacrum CAROLUS  
 V. adhuc adolescens, & studia tractans, solitus,  
 propitium semper habere Deum meruit: ipsâ  
 suâ fortunâ ostendens non minus Pietate,  
 quàm Armis pugnari. Fac Illustrissime Do-  
 mine ut suâ liberalitate hoc Sacellum hoc al-  
 tare dignum serenissimus Princeps censeat; ut  
 post Arcem restitutam, in Arce Rem quoque  
 Divinam restituat; ut quod Serenissima ISA-  
 BELLA sub finem vitæ facturam se addixe-  
 rat, in gloriam suam Regis Frater transferat.  
 Ita nomen quoque tuum in hac Arce, in hoc  
 Sacello, in hoc altari legetur. Hoc rogo, &  
 per Pietatem ipsam rogo, quâ hostes suos  
 omnes Rex vincet, felicissimam quidem po-  
 tentiam suam Dei Manu factururus: Manu  
 Virginis, quæ Deum peperit, & in imagine  
 ponenda repræsentabitur. Ita vale illustris-  
 sime DOMINE, & me ama. Lovanii, in  
 Arce, Kalendis April. ∞. 1563. xxxvii.

## EPISTOLA XLVII.

*Borburgum.*

JOSEPHO REGIO,

V. C.

**C**Opiosum affectum pauca omnino verba  
 includent, sed calida, candida, mea: sic  
 etiam atramento meliora. AMO & ternæ  
 hæ litteræ longam satis epistolam facient.  
 TE AMO, & sic complector insignes dotes  
 virtutesque tuas, Veras veri Amoris radices  
 ac fomites. Pignus addo, ac ne mutum qui-  
 dem, si, quæ publicè loquor, privatim æsti-  
 mas: Librum, inquam, DE BISSEXTO: cui  
 Dierum indicorum *διορθωσις* adjuncta, Regi  
 inscriptus est, ut à tanto etiam nomine legen-  
 di desiderium assumes. Ad Optimum Nobi-  
 lissimumque PASSALAQUAM Centurionem  
 tuum, quem etiam affinitatis causâ æstimo &  
 observo, jam non possum. Faciam verò quod  
 rogat, cum jubere possit, imò quod meretur:  
 & hoc ampliùs erit, quàm scribere, gratius,  
 quàm breviter. Tu vale, illum saluta, à me,  
 uxore,

uxore, liberis. De stellis, adhuc quæris? Dispositæ sunt: an propitiæ? Si ipse volueris. Nihil Cælo, nihil Fortunæ debes, si te cogitas Virtuti natum esse. Hæc utrique imperat: hæc te locabit Cælo, Stellamque faciet. Iterum vale. Lovanii in Arce, Nonis Aprilibus, ∞. 15C. XXXVII.

## EPISTOLA XLVIII.

*Madritum.*

LAURENTIO RAMIREZ  
DE PRADO,

*Equiti S. JACOBI, Legato  
Regio.*

**A**T tu me, mi Heros, Amicum & magnum appellas: quo titulo Astris meherclè insertus sum, & jam immortalis; imò verò Litterarum studiis redditus, tanquam tuo vivere nunc demum beneficio incipiam, cum Fortunæ, ut sic dicam, umbris hætenus colluctatus. Litteræ Regiæ quantum potuerunt! Quantum affectus tuus! Ecce & hîc mihi stipendia, quæ reliqua erant, decreta sunt, magna

gnâ Principis Cardinalis, & eorum qui *Era-*  
*rium* administrant Regium, benignitate. Il-  
 lustrissimus Præses tam suaviter hac mecum  
 occasione egit, ut genium *RAMIRÉSII*  
 exprimeret. Res igitur in vado est: de qua di-  
 stinctius mox scribam, relaturus ad gratiam  
 calamum, suâ jam tranquillitate animosum;  
 Sed placuisse Tibi *DIORTHOSIN* no-  
 stram vehementer gaudeo, imò verò glori-  
 or. Quicquid erit, Tuo id totum accedet Nomi-  
 ni: quod mihi in omnibus sacrosanctum erit.  
 Utinam verò ipse *DE BISSEXTO* Liber,  
 Regi inscriptus, gratus sit! Erit autem, si &  
 Tibi placuerit. Nunc opera mea omnia pa-  
 ro, hortante atque adeò adjuvantē Illustrissi-  
 mo *LUPO* nostro *ZAPATA*, mellitissimo  
 litterarum corculo. Audebo verò etiam à  
 mole laudem exspectare. *COMITEM DUC-*  
*CEM* quidni peculiari volumine venerer?  
 Tuâ hîc quoque humanitate opus erit, ne li-  
 bertas mea pudeat. Tantum peto, quia Ami-  
 cum me nominas: tantum usurpo, quia & A-  
 micum Te, & Patronum experior. Semp̃er ex-  
 periar! Semp̃er tibi vivam, *Quod superest avi,*  
*si quid superesse volunt Diis.* Licetne ex eodem  
*Venusino? Sit bona librorum, & provisa frugis in*  
*annum Copta,* & reliqua in me vota profliga-  
 bo. Profligo. mi Amice, mi Patrone: quia cō-  
 pia

pia tuo nunc beneficio adest, *ne flustem dubia  
spe pendulus hora.* Ut omnia dicam, felix  
sum, quia Tuus sum: Tuus autem, per 2s  
& libram tibi emptus, Tibi mancipatus. Lo-  
vanii, in Arce, prid. Non. Junii, ∞. 100.  
XXXVII.

## EPISTOLA XLIX.

*Bruxellam.*

BARTHOLOMÆO  
WISSENIO,

P. C.

Slaviter tu mecum & amicè, mi WIS-  
SENIO, imò seriò ac prudenter. Sed an a-  
liæ litteræ essent, quàm sermo? Indoles ista  
tua amabilis est, quâdam simul genii maturi-  
tate assurgit: ætas florida & mores viriles. A  
studiis sic igitur rectè ad negotia itur, si à stu-  
diis tamen non abitur, quæ tractari ubique  
queant. Quid si dicam, inter studia, facillima  
negotia? Prudentissimus ille tuus RODEN-  
BURGIUS iudicet: qui solus penè intellexit,  
quænam hominis vita ad sapientiam & feli-  
citatem

citatem proximè accedat. Talem Virum quidni libenter complectar? Ego, uxor mea & liberi eum rogamus, ut propediem ad nos excurrat: sed cum Coniuge sua Optima, & nunquam satis laudanda, ut totus adsit, nullâ curâ, nullo affectu divilus. Ut propitius hic aër est, corpore & animo valebit; fertilis, si quid facturus, si quid dicturus est. Suave hîc quoque & fructuosum erit de Republica agere & loqui, studia, tanquàm condimenta miscere. Felix si virum famâ magnum, Iare & Bibliothecâ excipiam. Vale, & D. HOWAERTIUM, Virum Reipublicæ aptum nomine meo complectere. Lovanii, in Arce, v. Eid. Julii, œ. 156. xxxvii.

---

## EPISTOLA L.

*Dunckeram.*

ISAACO VANDERMYE,

*Societatis JESU, Theologo &  
Philologo.*

**E** Tiam acris quædam Amoris verba sunt,  
& ad maiorem suavitatem faciunt: tua  
sunt,

sunt, tanquam vino & melle mixta. Hem, dum accusas, excitas: ego verò è silentio velut somno expergefactus, avidâ calamum manu arripio, & vocis imagine hoc unum nunc ago, ut vivere me videas & vigilare. An aliter amorem meum exprimam? Cepit me suavissimus ille pietatis, eruditionis, humanitatis tuæ genius, & constrictum tenet: arctius etiam, quia absentem. Non scripsi? Et hæc Amoris fiducia est: quâ facilius usus sum, dum abfui, dum negotiis (non enim studiis) operam hinc postea dedi, tanquam abessem. Res Quæstoribus fuit utcumque difficilis semper, quia pecuniaria; difficilis & hoc tempore quo rarum, MINERVÆ Ἀργὺς ille βροτολογὸς concedit. Ille, inquam, sic dictus, non solum quia τὴν βροτῶν φύσιν; sed quia τὴν βροτοῦς ἀγρυπνίαν, in somnum, inquam inducit, sed longum, ut placet EUSTATHIO. Sic igitur mortui dormiunt, imò silent, sed cum vita amicitiam simul omnem exiunt. Sic mortuis ipse similis fui, dormivi: dissimilis ad te, me redii, qui à te nunquam discesseram, nunquam discessurus sum. O meliora quoque nobis redeant tempora! O exulent Arma & Armorum Deus,

ὅς ἔτινα δίδε τίμωρα!

Hoc votum meum est, & bonorum omnium. Meum quoque, ut postliminiò te videam &

R 2

audiam;

audiam; alloquar & amplectar. Sic felix ero, & verè vivere demum incipiam. De rebus meis ad Patrem STEPHANUM scripsi, Vale, & cogita litteras tuas meras mihi omnes delicias fuisse: ultimis, ut dixi, verè excitatus sum. Iterum vale, PICTURA & POESI te oblecta ut valeas. Lovanii, in Arce; III. Eid. Augusti,  $\infty$ . 15 C. XXXVII.

## EPISTOLA LI.

*Bruxellam.*

BALTHASARI NARDO,

*Philologo & Protoſotario*

*Apoſtolico.*

Silentii agnovi delictum, poſtquàm nomine tuo gemma Viri Gener meus BONVICINIUS plenâ virtute & eruditione candorem profeſſus, mecum expoſtulavit. Ille quantum me amat, tantum doctrinæ tuæ ac prudentiæ tribuit: ego autem tantum litterarum citatione non peccarem, aliquâ amicitæ fiducia uſus ſum. TACITUS ipſe, quia examinandus erat, taciturnitatis mihi cauſa fuit. Fuit, qui loquentem, ut ſic dicam, No-



tis suis Tacitum fecit, & hîc tacuit. Sed an fa-  
 cem accenderem, ubi diem esse arbitratus sum?  
 Ubi nullam ipse *LIPSIUS* noctem depre-  
 hendit? Adhuc non video, quomodo obicu-  
 ra *OTHONIS* verba sint, facili ardore pro-  
 lata, & quasi ipsâ brevitate luceant. Ad Im-  
 perium adspirans, & solâ temeritate securus,  
 cruentis erexit ambitionem consiliis, per cæ-  
 dem & sanguinem *GALBÆ*, nec non *PISONIS* (modo auderet) feliciter grassaturus.  
 Ait: *Opportunos magnis conatibus transitus re-  
 rum; nec cunctatione opus, ubi perniciosior sit quies  
 quàm teneritas.* Transitus rerum, mutationes  
 publicæ sunt, sive *μεταβολαί*: Magni conatus,  
 libido dominandi. Hoc loco, dum res mutan-  
 tur, & à *GALBA* ad *PISONEM* adopti-  
 o retranscunt rapi opportunè Imperium posse,  
*OTHO* sibi persuadet, ansam Fortunâ præ-  
 bente. Ita sanè dixerat: *Agendum audendumq̃,  
 dum GALBÆ auctoritas fluxa, PISONIS nondum  
 coaluisset.* Ipse *TACITUS*, quasi sim interpres:  
*OTHONI* compositis rebus nulla spes, omne in tur-  
 bido consilium. Quid plura? Satis, ut opinor,  
 sic quidem sententia mea explicata est: quæ  
 si placebit, si nul silentii mei delictum expia-  
 bit; si minùs, nullâ culpâ intermisisse res-  
 ponsum videar. Levius enim erat tacendo,  
 quàm malè interpretando peccare. Vale, &

sic me deinceps ama, ut semper amasse videare. Lovanii, in Arce, Kalendis Jan. 60. 100. XXXVII.

## EPISTOLA LII.

*Antverpiam.*

MICHAELI DE  
SALAMANCA,

*Equiti Ordinis S. JACOBI, Ser-  
Principi Cardinali Belgarum Gu-  
bernatori à secretis & à con-  
siliis status.*

**A** verbis ad animum confugio, ut quia dicere satis magnas pro incredibili benevolentia gratias nequeo, cogitatione persolvam. Etenim epistola tua quid nisi divinam quandam naturam explicat, quia ad omnem se humanitatem dilatat? Sed ubinam tam felix sim, ut tantum aliquando hospitem qui se Amicum profitetur, in hac Arce Regia excipiam! Nascetur, ut spero, à nova aliqua expeditione occasio, si Serenissimum Principem

Principem Cardinalem ad novas etiam per hanc Urbem nostram victorias contingat proficisci. Vocare quidem TRAJECTUM videtur, in quo nimis hostium jugo miserè pressum, ac recentes cruentatum. E qua Urbe Batavus non soli minari BRABANTIAE videtur: cessurus, si oppugnabitur. Hæc publica: privatim verò ratione BLITTERSVYCKII, Amici mei, & ad Rei publicæ negotia nati, vehementer debeo, tam officiosè ac promptè Cancellario BRABANTIAE commendati. Hæc quidem obligatio major etiam verbis est, ac suspensum me tenet; ut de ingenii aliquo hostimento cogitem. Audebo certè Epistolarum Centuriam offerre, publiceque profiteri, me summo jure TUUM esse. Lovanii, in Arce, prid. Kal. Sextil. 60. IDC. XXXVIII.

## EPISTOLA LIII.

*Bruxellam.*

ANDREÆ CANTELMO,

*Flandriæ Praefecto, & postea  
Catalauniae Proregi.*

**E** Tiam post labores, te fortem & victorem fuisse, morbus, de quo intellexi, indicat: ex iis haud dubiè natus. Sed eo nunc tolerandus animo, quo superare hostes soles. Nostrum est, dolere & angere, imò vota concipere, ut quamprimùm convalescas. Sanè non quiescam, imò sanus ipse non ero, nisi te sanum intellexero. Tantisper igitur, quemadmodùm alijs imperas, Medicis nunc obnoxius esse velis, & ex eorum vivere praescripto, ut vivas. Ad longiorem autem corporis serenitatem faciet, hac nubecula interceptam fuisse. Simul nunc me cruciat, D. LAZARUM decumbere: an graviter? Adhuc nescio. Filia mea ei solatiò esse poterit, quæ  
non

non minùs ægrotanti serviet, quàm valentem  
 hætenus venerata est. Uxor mea febris tertia-  
 nâ affligi cœpit: sic ubique morbi nunc sunt,  
 & docent, fragilem mortalium conditionem  
 esse; solida in animo bona collocari. Hæc à  
 Virtutibus pendent: de quibus quod scripsi  
 volumen, paratur editione; tuum; etiam tuo  
 nomine futurum. *LÆLIUM CATONEM*,  
*BRUTUM CICERO* scripsit, vario ar-  
 gumento: ego *CANTELMUM*, *BI-  
 VIUM VITÆ HUMANÆ* daturus. In-  
 terim Epistolarum Centuriam novam hac in-  
 scriptione admittes, & me amabis, Illustrissi-  
 me & Excellentissime *DOMINE*, æter-  
 no Litterarum Sacramento *TUUM* Lova-  
 nii, in Arce, Non septembris. 66. 126.  
**XXXVIII.**

## EPISTOLA LIV.

*Bruxellam*

FRANCISCO DE PACHECO,

*Marchioni de Seralbo, Summo  
Aula Præfecto.*

**F**ilius si Parentem repræsentat, nuper tibi adfuisse videar cùm præsens, ut sic dicam, adessem : nunc absens loquor, & quia Litterarum tracto studia, Doctissimo Principi obsequia audeo mea offerre. Felix BELGICA tam raro gloriæ exemplo ! Et ego tam sublimi, quod ambio, eruditionis patrocinio ! Nomen tuum, quod publicè jubar est, mihi privatim præsidium, imò decus erit ; si hoc jubare, præsidio, jubare, decore meum licebit illustrare. Quibus in tenebris jaceam, intelligere potui, postquam lucem, non dicam Fortunæ tuæ ( plures enim Magni sunt ) sed mentis ingeniiq̃ue tui ( pauci enim Æterni ) adspexi & veneratus sum. Surgam igitur, & ad familiaritatem tuam incipiam & studia mea & vota attollere ; juvenilem  
in

in provecta jam ætate sumpturus Litterarum vigorem; quia auspicii tui fiduciâ calamum occupabo. Plura potero, si tuus ero; bona erunt, quæ scribendo & consecrando tua faciam, ut ipse fiam: Ita Vale, & feliciter redi; ut quem absentem jam alloquor, præsentem audiam, videam, colam. Lovanii, in Arce, x. Kal. Octob. ∞. 1706. xxxvi 11.

## EPISTOLA LV.

*Bruxellam.*

LUPO WALTHERO  
ZAPATÆ,

*S. R. I. Comiti, Legato Regio.*

**A** Nimum meum respicis? Continuo scripsi: silentium curis molestissimè imputandum est; quæ in magna solent familia aliæ ex aliis nasci. Quæ verò ad elegantissimum *BLITTERSWICKIUM* nostrum litteræ, quia identidem mei faciunt mentionem, directæ, imò missæ ad me quoque videntur. Pleræque *BRUXELLA LOVANIUM* transferuntur; earumque lectione, tam suaviter imbuor; ut quæ gra-

via

via sunt, vix sentiam, tuas virtutes tanquam solatia rerum contempler. Quante verò molis sit optatam Populis pacem (quod facis) tractare, perspexisse utcumque videor. An me hostium fallit genus? Quia armis adhuc feroces sunt, consiliis insolent. Quasi si pares bello pacem possint fastidire. Notter illis candor animos addit: illi contra candori nostro versutiam obijciunt. Nos faciem adferimus, illi larvam: nobis compendia placent, illis ambages. Utinam verò tam facile ad sincera consilia veniant, quam ad adversa & fucata difficulter nos abripimur! Fœdera quibus fulciuntur conditionibus, rescandenda sunt. In sociis victi, de belli successu desperabunt, & arma sponte deponent. Sed hæc quid ego in medium adfero? Quasi faciem accendam ubi solis jubar radiat, ubi prudentia tua diem facit, viam à diviticulis distinguit, insidias à securitate. Sed hæc jam familiaritas mea est, quasi ad inverecundiam excedens, ut quia Legationis tuæ Manus considero, videre ausim ubi cæcus sum, loqui ubi tutissimum est silentium, ipsemet experientiâ didici. Studiâ tibi quia præter negotia curæ sunt, non peccabo in effusam humanitatem tuam, si obiter de iis addam languidiû, hoc Autumno habitis, si non intermissis.



missis. Etiam Arcem hanc & amœnitatem invadere febris potuit, passim infesta ac sæviens, & familiæ meæ ministerium affixit: miseri, sed sine funere fuimus. Ipsa deinde uxor mea correpta, insolito horrore astuare vehementius cepit, & serio ægrotare. Totum jam mensem decumbens vix tandem morbum, frigidum nescio, an calidum debeam appellare, vicit, adhuc languida & lenta convalescit, quia morosæ admodum vires redeunt, vehementer exhaustæ. Lato dicam verbo lethum evasit. Ego sic nunc etiam magis valeo, curas molestiasque, ingenii remoras magis magisque prosterno. Hactenus verò dum ego cesso, etiam typographi quasi ex compacto. In ultimis CENTURIAE ut sic nuncupem RAMIRESIANAÆ foliis diligentia CNOBBARAE hæret, & quasi suspensa est. Urgere equidem non desino, missurus quoque ANTVERPIAM denuò filium meum JUSTUM ut præsens opusculum promoveat. In HISPANIAM quoque differo scribere, ut munusculum quod debeo, tandem mittam potius quam promittam. POMPA nostra PROSPHONETICA hîc procedit, sed lentè. Jures pompam esse. EPIGRAMMATA BELGICA aliquid etiam splendoris à typis capiunt,

piunt, pleno anni dierumque numero ad Poë-  
pulum mox reditura. Quid refert, quâ lin-  
guâ, si philosophari liceat. Ostendere volui  
mè Belgam esse, qui latinè soleo scribere, pu-  
blicè utilem esse, qui privatim vivo, in for-  
mandis civium moribus studia mea occu-  
pari. Vale Heros & Mæcenus meus, & me-  
a. Lovanii, prid. Eid. Octob. æc. æcc.  
xxxviii.

## EPISTOLA LVI.

*Bruxellam.*

FERDINANDO SANCHES,

*Ord. Erem. S. AUGUSTINI, R. Pa-  
tris Confessarii Principis Cardinalis  
Socio, nunc Episcopo Agrigentino.*

**M**agno nuper gaudio & litteras Reve-  
rentiæ Tuæ, & benignitatem litteris  
expressam exosculatus sum; quâ inter Ephe-  
bos honorarios filius meus H. P. admissus  
est. Quantum autem hoc beneficium sit, ex  
ipso honore intelligo, quo profectò & me  
& familiæ meæ fortunam injuriâ pressam  
temporum.

temporum sentio attolli. Tanquàm Patronum  
& Mæcenatem nactus sim, audebo felix esse, ac  
lætiori studia animo hæcenus languentia ad  
fructum revocare. Vigorem sic quoque ipsa  
ætatis hiems capiet, leniori imbuenda favo-  
ris aurâ, & qualem R. T. Favonius spirat. Sic  
me & filium meum dedico. Vale. Lovanii,  
in Arce, xv. Non. Decemb. 1666.  
XXXV III.

## EPISTOLA LVII.

*Bruxellam.*

MICHAELI DE  
SALAMANCA,

*Equiti Ord. S. JACOBI, Ser.™ Principi  
Cardinali, Belgarum Gubernatori  
à Secretis & à Consiliis Status.*

EXspirante jam anno, & ad infimam dela-  
to metam Sole felicia novi temporis au-  
spicia apprecor. Bene mihi, bene familiz meæ,  
sistuam in tuto ac sereno valetudinem vide-  
am, & quæ reliqua vitæ sunt, ex voto ire ita  
merentur

merentur Virtutes tuæ : inter quas, cū humanitas emineat, peculiari etiam in me familiamque meam affectu derivatur. Atque hujus non exigua pars MAXIMILIANUS meus est: & à me missus, ut petitionem suam nuperam, necessario jam ac luculento testimonio subnixam, Bonitati tuæ commenderet: dignus præmio sive subsidio Regio, quia strenuus quacumque occasione, & plures jam annos: quia equi etiam non unius damnum tulit. Ego pro filio ago, quem ut militem robustius jam amo: imò pro milite, quem ut filium etiam ex officio cogor attollere. Felix ero, si alii viderint, etiam in militia aliquo loco PUTEANI nomen esse: gloriosus etiam, si à tuo favore hæc nobis Fortuna obtinet. Ita vale, vive & me ama. Lovanii, in Arce, 1 v. Eid. Januarii,  $\infty$ . 156. xxxix.

## EPISTOLA LVIII.

*Duacum.*

J. O. VINCARTIO,

*Soc: JESU, Theologo & Philologo.*

**I**Râ tuâ dignus eram Optime Humanissi-  
 meque Pater, & novo ecce munere recreor.  
 Novo, inquam; & planè aureo, post gem-  
 mam pridem ad me humanissimè transmis-  
 sam. DIVAM INSULENSEM nōne ju-  
 re sic appello? Suis illam Cancellis, & nunc  
 magis Elogiis suis splendentem? Hoc lumi-  
 ne perstringi potui, ut silentio potiùs quàm  
 judicio Opus, Suadæ & Pietatis pretio divi-  
 num, venerarer: perstringi rursus auro; ut, si  
 pauca jam dicerem, à novo silentii delicto  
 removerem. Quia peccasse me agnosco, ad ve-  
 niam etiam brevitate perveniam: sed nunc  
 centum adjungo Epistolas, ut unius defe-  
 ctum suppleam; & merum, si cum purissimo  
 metallo tuo comparetur. CHRYSOSTOMUM  
 scribis, & tu te Chrysostomum facis. Perge  
 scribere, & coronam illam XII. radiorum ad-

G

ornare

ornare, ab hominibus & à Deo coronandus.  
 Me amare perge, cui cùm irasci posses, novum dare munus voluisti. Vale. Lovanii, in  
 Arc., 1 x. Kal. Febr. ∞. 1 5 C. x x x i x.

## EPISTOLA LIX.

*Bruxellam.*

HENRICO DONGELBERGIO,

*V. N. Urbi à Thesauris.*

**N**on satis ipse sagax heri fui, cùm sagaces syllabis suis expenderem; nisi enim ad duplicem consonantem confugiam, erroris reus sum; quem agnoscere certè malo, quàm more malo excusare. Tua igitur memoria fidelior imò promptior erat, quam libens suspicio: Eruditionem simul, illam memoriæ filiam; quæ & Nobilitatem tuam & Virtutem, & jam Dignitatem insigniter exornat. Thesauris præes, & ipse Thesaurus es; pretium à te ipso capis. Admitte quæso cultum meum, & audebo familiaris esse. Eruditio tua, quæ non potest non humana esse, hanc mihi fiduciam dabit. Dedit, scribò, ac mutatum jam

Di-

Distichon Censuræ tuæ submitto. Ita salve,  
& de me, tamquàm verè tuo statue. Nobiliss-  
simo Amplissimoque Fratri tuo totum me  
devoveo. In Ædibus Langrenianis, x. Kal. Oc-  
tob. - 60. 1 3 C. XXXIX.

## EPISTOLA LX.

*Romam.*

FRANCISCO BARBERINO,

*S. R. E. Cardinali.*

**L**Iceat nunc mihi, ut verecundior sit ca-  
lamus, Viri hujus ore Eminentiam Tu-  
am venerari. Is cùm loquetur, verba ipse  
met videbor facere: in quo magnâ mei parte  
vivo. Gener meus est, imò veriore vocabulo  
filius, LAZARUS BONVICINIUS,  
gente Italus, adeòque MUTINENSIS,  
genere Nobilis, ingenio exercitatus, sive belli  
artes, sive pacis æstimemus. Totam exprime-  
re PALLADEM potuit; ut saperet, & arma-  
tus esset: duceret trecentorum suò imperio  
còhortem militum, & à bonis studiis non re-  
cederet. Nimirum, qui plenam intellexit  
virtutem, gemino eam Antiquorum exem-

G 2

plø

plo sectatus est, & togam sibi, & sagum vindicans. Sic carus Belgis fuit: carior Principi suo *DUCI MUTINENSI*, à quo in Patriam, & ad functiones principales vocatus est. Sed qui in *BELGIO* rerum arcana penetrare potuit; quidni & domi administraret? Inter alia vota, hoc primum fuit, *ROMAM*, illam olim Magnam, nunc Sanctam videre; Magnitudinis & Sanctitatis Solem, proximaque ei sidera coram adorare. Rogo igitur, ut benigno cum vultu Eminentia Tua admittat, & loquentem audiat. Hoc enimerit, *PUTEANUM* ipsum admittere, & audire. Vale & vive Eminentissime & Reverendissime *DOMINE*. Lovanii, in Arce, x. Kal. Junii,  $\infty$ . 1500. XL.

---

## EPISTOLA LXI.

*In Castra.*

**ANDREÆ CANTELMO,**

*Summo Militiæ Praefecto, postea  
Catalaunia Proregi.*

**S**Ummo quæ imperio, Serenissimi Principis  
Auspiciis, regis arma, ut successu felicia  
sint,



sint, Deum Opt. Max. continuò rogamus. Respiciet ille bonam, & suam causam; ac Virtuti tuæ Fortuna obediet, ita jam notæ & amatæ; ut non minùs adversa, quàm prospera gloriam datura sit: Sed prospera erit, si consiliis tuis locus: quæ ut optima, prudentissima, ac saluberrima semper sunt; ita victoriam nobis pollicemur. Omnium igitur vota sunt, ut Urbs, à Gallis obsessa liberetur, quæ feliciter adhuc à D. ONELLO, uti audivimus, propugnatur. Ejus Uxor tamen sollicita est: & à Patribus Hibernis Recollectis petiit, aliquem è suis in Castra mitterent, qui de statu rerum ex intervallo significaret. Missus igitur hic P. BRANDANUS, annis juvenis, Pietate, Prudentiâ, & omni laude maturus: tam mihi conjunctus, ut si filium vocem, totum adhuc affectum non exprimam. Ampliùs ne dicam? Si me, Magne Heros, amas, hunc meum benigno favore complectere. Erit id bene de me, sed magis de ipso D. ONELLO, ejusque Uxore jam afflicta mereri. Vale, unicum meum præsidium & decus, & vince. Lovanii, in Arce, die D. LAURENTIO Sacro, ∞. MCC. XL.

## EPISTOLA LXII.

*In Castra.*

E I D E M.

**P**ublica & Regia arma, nos etiam, quantum privatis possumus precibus votisque conamur promovere. Respiciet, ut spero, Deus audietque supplices; ut brevi liberam **ARTESIAM**, saluum ac triumphantem serenissimum Principem, in quo omnium versatur incolumitas, videamus. Quantum nostrorum hinc ardeant animi Admodum hic Reverendus Pater **BRANDANUS** Hibernus, verè bonus, pius, elegans, & mihi incredibili affectu familiaris, exponet. In Viro Religioso modestissimæ Nobilitatis genius relucet. Quemadmodum totum **D. ANTONII** Monasterium Humanitati tuæ obstrictum est: ita nunc totum **BRANDANUS** Monasterium repræsentat: missus à suis in Castra, ut latis inde litteris aliquid solatii Nobilissimæ Uxori **D. ONELLI**, & se ob maritum filiumque affligenti, mittat. Illa hoc sibi præstari officii postulârat, cui nihil negare

negare pietas potuit. Quare si quid in hunc Patrem, à Benignitate tua favoris veniet, in ipsam Dominam redundabit; in ipsum, ut omnia dicam, D. ONELLUM. Sic vale Illustrissime DOMINE & PATRONE, & nos felici reditu brevi recrea. Lovanii, in Arce, die D. LAURENTIO Sacro, 99. IDC. XL.

---

## EPISTOLA LXIII.

*Bruxellam.*

N. OELVELTIO,  
K. N.

Semel alloquio humanitatem tuam expertus, maluissem sanè nunc etiam ore quàm calamo verba facere; & benignissimè, quidem invitatus; sed non me finit ætas, morbis vitiisque suis obnoxia, mei juris ac spontis esse; ut excurram hoc tempore, bona viæ vota coràm aperiàm, intima simul animi obsequia dedicem consecremque. Ille amabilis & Heroïcus planè Genius tuus, sic me cepit nuper, ut vel ipso Damæ nomine recreer,

G 3

Quantus

Quantus in easis, quâ nobilitate, decore, luce, non ignoro. Si Regem Solem dicimus, inter proxima te sidera veneramur : si à Deo ille, ut HOMERO placet, nutritur, Viri quoque Regii aliquid divini habent: nati, ut sibi boni magnique sint, aliis utiles; à quibus laudem, gloriam, famam expectent. Hac fiducia commendare Nobilissimæ Generositati tuæ Amicum hunc meum audeo; ut quia bonus est, aliquo inter suos esse loco possit, non abjecto; quia meus est familiaritate, tuo quoque; se intelligat favore ac beneficio ad munus aliquod publicum ac honestum evehi posse. Sic verò æternâ obligatione tuus esse incipiam, & magno nomini tuo consecratus manebo. Lovanii, in Arce, iv. Kal, Septemb.  
 ∞ . I O C. XL.

## EPISTOLA LXIV.

*Hercium.*

GODEFRIDO WENDELINO,

*Canonico Condatensi, Temporum  
Vindici.*

**T**E quidem vel terra cælo, vel cælum terræ invidet, iterum morbo, unde unde ille est, velut nube involutum. Si corpus tuum specto, in terra es, & quæ sunt hominis sustines: si animum, in cælo, & quæ hætenus ignorant homines, explicas. Hic igitur nubes tanquàm morbi sunt; isti morbi tanquàm nubes: nec commodè potest, quando corpus jacet, animus officium suum exsequi. Sed profectò quantum tibi in divinis contemplandis impeditenti est, tantum nobis damni: ut terram accusem, quæ facie suâ gignit nubium congeriem; cælum quoque, quia non dispellit. Si tamen hæc naturæ vices sunt nunc valere, nunc ægrotare; nunc æstatem esse, nunc hiemem, si quotidie nunc diem, nunc noctem; quæso, morbum in quietem computa, & dissipatis jam ærumnis, ad no-

G 5

vam

vam studiorum alacritatem exsurge, ad novum quoque amorem mei. Tecum ægrota-  
vi, mi frater: tuus morbus, meus dolor fuit;  
tua illa damna, mea vulnera; tuæ illæ curæ,  
meæ cruces. Quid igitur? Sanus, lætus, liber  
ero quando talem te complectar. Sed si prius  
ad Ill.<sup>um</sup> Præsidem scripseris, faxo in manus  
ejus epistola veniat, bona ipse verba, & ne-  
gotio opportuna calente calamo adjecturus.  
Votum meum est, & bonorum omnium, ut  
in hac Academia nostra Sapientiæ quietem  
eligas; felix futurus, si alios voce & stilo fece-  
ris. Sic vale, & veni, ut consilia conferamus.  
Lovanii, in Arce, IV. Non. Octob. ∞. 1700. XL.

## EPISTOLA LXV.

*Bruxellam.*

CAROLO D'HOVINES,

*Equiti, Toparchæ de Governes, Steenu-  
berck, VVinckel, &c. Consilii San-  
ctioris Senatori Regio, nunc à Consiliis  
Statûs & Summo Belgicæ Præsidi.*

**S**cribendi hætenus nulla mihi occasio fuit:  
necessitatem tantò amplector avidiùs,  
quantò

quãtò deinceps faciliùs erit ad familiaritatem obsequii calamum promovere, quemadmodum Dignitas mihi tua venerabilis est; ita & virtus & prudentia; quam utramque in Arce mihi Lovaniensi, de qua nunc tandem controversia movetur, vindicanda, implorare audeo. Audeo, inquam, jure & æquitate subnixus, quam quia adversarius oppugnat, non potest mihi iniquus videri. Machinas & minas tantum verborum promit; mihi gravis, quia quietem studiorum meorum perturbat: molestus Sanctiori Consilio Vestro, quia involuntatem Optimorum Principum ALBERTI & ISABELLÆ CLARÆ EUGENIÆ, ipsiusque Clementissimi Regis insurgit. Defensio mea manifesta est, rationibus solida, Diplomatis munita, Præscriptione quoque temporis invicta: quam tuæ sic nunc inspectioni & relationi commendo, justam justæ, ut represso adversario, jus mihi meum Consilii Sententiæ confirmetur. Hoc rogo, & me totum offero: offero studia mea, quæ nisi Arx mihi salva sit, salva esse non possunt. Vale, Nobilissime & Amplissime DOMINE. Lovanii, in Arce, meâ industriâ conservata, cum ruinæ tantum essent, v. l. Kal. Decemb. 1600. x. l.

## EPISTOLA LXVI.

*Madritum.*LAURENTIO RAMIREZ  
DE PRADO,*Equiti S. JACOBI, Legato  
Regio.*

**S**I quantùm Virtuti tuæ & Dignitati debeo, tantùm affectui queam. & Benignitati persolvere; pro beneficio recentè accepto, videar sanè gratus esse. Quia verba minora sunt, animum offero, & simul studia mea, quæ ut Regiâ liberalitate fulcirentur; Auctoritas tua effecit. Licebit igitur quod reliquum est ætatis tranquillius agere: quod reliquum est laboris, felicius impendere. Hęc jam vita erit, quam à te (gloriari fas sit) accipio, tuus etiam post mortem futurus. Sterilis hætenus mihi ille à Consiliis titulus erat, & solâ circumscriptus honoris luce: nunc stipendium accedit; nequē tamen fructu quies mea delibatur. Integra Litterarum Professio est, integra librorum tractatio, ut  
verè



EPIST. CENTURIA V. 101

verè dicere possim, *Deus nobis hac omnia fecit* quæ ne otiosa sint, in tuum honorem erunt occupanda. Sic me ergo jam sine prorsus tuum esse, sic me post beneficium datum magis ama. Me, & liberos meos, qui cum Patre simul obligantur & assurgunt animo, ut grati quoque sint, & incipiant, tuâ sublevati manu, Regi & Reipubl. se impendere. Major natu **JU-  
STUS CAECILIUS** est, litteris, bonisque Artibus, & rerum jam usu instructus. Is munus aliquod publicum, me ejus quoque nomine precante, petit. Aptum fore, hoc scio: ita etiam istud administraturum, ne quis de industria ejus, atque integritate conqueratur. Uxorem nuper duxit, atque prolem jam habet: totus jam in eo, ut familiam constituat, sed ut incipiat ostendere, quid publicè præstare possit. Magnum mihi sublevamen sit, eum promoveri: novum beneficium, si favorem tuum impetret. Ego intercedo, & rogo. Commendo Pater filium, me in filio totum Benevolentiae Tuae mancipio. Tuus jam Pater est: sit & filius. Sciet ille quantum debeat Patris nomine, si & suo obligetur. Sic Bonitatem Tuam veneror Illustrissime **DOMINE & PATRONE**. **LO-**  
**vanii**, in Arce, Eidibus, Decemb. **∞. 100.**  
**XL.**

EPISTO.

## EPISTOLA LXVII.

*Bruxellam.*

ANDREÆ CANIELMO,

*Summo Militiæ Præfecto, postea  
Catalauniæ Proregi.*

**H**ic ille Amicus est, quem nuper commen-  
davi. Unus è mille, & singularis: cujus-  
modi si plures sint, fortunam Virtus non  
accuset. Dignus affectu tuo est; dignus favo-  
re, dignus familiaritate: verè miles, cui non  
negotia tantùm, sed pericula rectè commit-  
tas. Hactenus Centurio, quem gradum non  
petiit, sed accepit. Ille enim mereri, non am-  
bire novit. Ut verò apud te auderet unus a-  
gere, quod multi, ego ei Auctor fui. Nam  
ad arma paratior, quàm ad verba, me petiti-  
onis suæ interpretem habet. Rogo igitur, ut  
ad molliorem affatum virum fortem magis,  
quàm eloquentem admittas, imò rogo, ut  
majorem tuo favore, esse velis: si tamen ma-  
jor fieri possit, quia à Centuria ad Centuriam  
Centurio, virtuti suæ aptiorem, transferri  
cupit.

eupit. Merita ejus Serenissimo Principi heu, extincto ! Nota erant. Unum restat, ut & tibi sint : ita enim Principem recuperabit. Sed quorsum repeto, quæ nuper scripsi ? Ad virtutem & fortunam ipsam militiæ facere arbitror, hunc Amicum voti compotem reddi. Non ut quiescat, sed magis occupetur, animum aperit. Quia fortis est, tuus sit, & felix erit: ego aliquando gloriabor à me commendatum esse. Vale Magne Patrone, & ab hac nunc scriptione magis me ama. Lovanii, in Arce, XIV. Kal. Feb. ∞. 16C. XLI.

---

## EPISTOLA LXVIII.

*Lovanii.*

HENRICO LOYENS,

*J. U. Doctori & Professori Regio,  
postea Camera Bipartite Consilia-  
rio, nunc in Academia Lovaniensi  
Legum Antecessori Primario.*

AD magnum sæculi nostri Antistitem sic  
quidem scripsi: simpliciter, quia petitionis  
æqui-

æquitas pompam recusabat: efficaciter tamen, quia preces, quæ cùm breves, tamen facundæ sunt, adjeci. Aliquid ille epistolæ meæ tribuet, omnia causæ tuæ: ut sperem, vel confidam potius, pro humanitate sua promptum fore, qui maximè doctrinæ favet; pro doctrina, qui quotiescumque interpellatur, humanissimum se ostendit. Cantiunculæ formulam, tempestivè submissam, seriis expressi verbis, quia maximè seriam; & huc redigi petitionis summam; ne arbiter fiat, qui adversarius esse voluit; desinat autem rigidus esse, qui semel morosus ac molestus. Si tanti epistola est, ut existimes exemplar servandum esse, exscribi poterit: nullum enim apud me remansit: si non est, nullo damno perire. Ego certè, si opus, vel aliam, vel etiam aliter scribere paratus sum, bono affectu & cultu tuus. Lovanii, in Arce, v. Kal. Aprilis.

∞. L. C. XII.

## EPISTOLA LXIX.

Lovanii.

CYPRIANO à S. MARIA,

*Carmelitarum in Seminario Lovanienſi Priori.*

Quæ ferre ſtatueraſ nōya, ecce mitto: ita  
 faciliùs hoc tempore ſcribo, quàm exeo,  
 animo interim iſtic præſens. Auram & viam  
 expende: non poſſunt pedes quod manus. Sic  
 vetò privatum impedimentum, publicum be-  
 neficium eſt, dum copiæ hoſtiles in prædiis aut  
 præſidiis continentur. Noſtræ hac etiam mo-  
 rà paratiores erunt: & magis pecuniâ, quæ in  
 novum belli nervum à populo paſſim & libe-  
 raliter confertur. Minùs gravat, quod omni-  
 bus imponitur onus: magis quæ exemplo quàm  
 imperio ad largiendum pauperiores excitan-  
 tur. Dant, qui exigunt: quis excuſationi lo-  
 cus? Unuſquique tamen arbitrio ſuo libera-  
 lis eſt, ut juvet quantum poteſt: conferunt  
 autem plerique ut videantur poſſe, cum ta-  
 men velle majus putem. Galli Batavi quæ

H

noſque

nōne ampliùs suos premunt, atque jam vel  
 lassos, vel exhaustos? Victoria nostra est, non  
 si vincimus, sed si bellum paullulùm adhuc  
 sustinemus. Spes autem præcipua à GERMA-  
 NIA, ut omnes judicant, pacanda pender. Sed  
 nunc lege quæ mitto, & me ama. Lovanii, in  
 Arce, IV. Eid. Maji, ∞. 1500, XLI.

## EPISTOLA LXX.

*Bruxellam.*

FERDINANDO DE  
 BOISCHOT,

*Equiti Ord. S. JACOBI, Baroni de Sa-  
 ventom, Brabantia Cancellario,  
 Legato Regio.*

**T**Andem igitur, sed commodâ & ab Ami-  
 co GUILIELMO BURIO, Viro bo-  
 no doctoquē oblatâ occasione EPIGRAM-  
 MATA mea BELGICA mitto. An tanti  
 sint, nescio; sed mitto. Mea sunt, ideoquē  
 sive bona, sive mala, offerre debui, si non pretii,  
 certè officii ratione. Quid etiam? Belgica  
 sunt, & novitate fortè suâ placere poterunt,  
 cūm

cùm metri Latini leges religiosâ syllabarum  
 dimensione sequantur. Jam verò argumentum  
 Ethicum est, ac vitæ communis officia com-  
 prehendit: opportunum, opinor, populo, ut  
 discat; Magnis Doctisque, ut oblectentur.  
 Nomen hîc meum ne exprimerem, insinuavi,  
 Latinè Belgicum, Belgicè Latinum. Sic lateo  
 igitur ut prodeam, sic prodeo ut lateam: quip-  
 pe sub HONORI appellatione ERYCIUS  
 sum, sub BORNIPUTEANUS. Cæterum si  
 quid in scribendo vitii est, meum est: editio-  
 nis causam ille in se suscepit, qui à nomine  
 suo passus est patrocinium capi; veteres ele-  
 gantias etiam in vernacula solitus lingua æs-  
 timare. Sed omne nunc ego à iudicio tuo pre-  
 tium laudis capiam; veniam, si peccavi. Vale,  
 me & studia mea ama. Lovanii, in Arce,  
 IV. Eid. Jul. MDC.XLI.

## EPISTOLA LXXI.

*Bruxellam.*

CAROLO SCHOTTE,

*Equiti, Aerarii Sanctioris Assessori.*

**D**E meis statueram rebus, & post intervallum scribere, cum hic me juvenis interpellaret, cupidus in gratiam benignitatis tuæ insinuari. Bono, bene nato, & bene instituto quid negarem? Studia hîc PHILOSOPHIA absolvit, inscriptionibus etiam civilibus se exercuit, & variarum linguarum peritus est, boni ac placidi, nisi me omnia fallunt, genii, & ad obsequia prompti. Intellexerat verò, deesse jam tibi, qui à manu, à secretis, vel etiam à Cubiculis sit: suam igitur operam, & simul fidem offerre ausus est, dignus sic quoque à me commendari. Cætera & Prudentiæ tuæ & Humanitati committo. Pro filio quoque, ut solet, & Pater loquatur, qui Serenissimo Principi, nobiliori titulo, à custodia est, & favorem meretur. Ego quidem commendatione istâ, nunc alter velut pater sum,

&amp;



& ingenii causâ , aliquid apud illum juris ,  
 apud te libertatis sumo ; ut me ostendam tu-  
 um, esse affectu , obsequio, cultu fore semper.  
 Lovanii, in Arce, v i. Eid. Septemb. 99.  
 100. xli. De meis rebus si permittas ut scri-  
 bam, etiam liberior ero; sed in Benignitatem  
 tuam non peccaturus.

---

## EPISTOLA LXXII

*Bruxellam.*

N. VENNIO,

*Quæstori Ordinum.*

**H**umanissimis interpellatus nuper litte-  
 ris tuis, non scripsi quæ agenda erant;  
 sed egi quæ scribenda. Post officium quoque  
 tanquàm non peccarem, silentium usurpavi.  
 Ipse cùm BRUXELLAM Celeberrimus  
 THEODORUS noster iret, loquens esse e-  
 pistola potuit, tam accuratus rerum omnium  
 quàm ingenio & arte omnes facilè superat.  
 Gaudeo verò tam facilem ad opus suscipien-  
 dum fuisse, quàm ab itinere non abhorruit.

H3

Pote-

Poterat enim profectò famâ jam suâ contentus esse, & sibi post labores superstes vivere, beato & litterario otio dignissimus. Cæterum tuâ se benevolentia beatum prædicat, & obstrictum favori, quem non semel expertus est, etiam cùm ignotum se putaret. Sed quomodò ille lateret, cujus publicæ tam insignes tabulæ sunt? Et quomodò Virum tam celebrem, addo tam bonum tuus non complecteretur affectus qui nemini clausus est? Maestè animi, Vir ad virtutes nate: ostendis profectò, in divitiis, & dignitate nihil pulchrius esse, quàm liberales Artes & Litteras amare. Hoc verò nomine quantum & ego generosæ humanitati tuæ debeam, majori audebo calamo profiteri. Vale. Lovanii, in Arce, xlv. Kal. Novemb. ∞.

1700. xli.

EPISTOLA LXXIII.

*Bruxellam.*

VIRGILIO,

MARCHIONI MALVEZZIO,

*Legato Regio.*

**T**ANQUÀM ætatem negligam, novos etiam  
in studiis animos cepi, novos labores;  
qui faventiâ tuâ ad fructum, ut confido, ve-  
nient. ELOGIA sunt HISTORICA IM-  
PERATORUM, REGUM, PRINCI-  
PUM AUSTRIACORUM, DUCUM-  
QUE BURGUNDIÆ; atque hæc ordine  
explicare publicè pro lectione velim: quem-  
admodùm hoc unum RUDOLFI VIC-  
TORIOSI, exempli causâ, repræsentò.  
Publicè, inquam, sed statis, & Jovis dum-  
taxat diebus: prorsus ut hac amœnitate hi-  
storix nupere, & tamen nostræ, recreentur  
Auditorum animi, & ad reliqua studia ube-  
riùs exsurgant. Majus erit Opus, & THE-  
ATRI HEROICI titulo, magna ex

parte jam perfectum. Sed cujusmodi futurum sit, Editio ostendet, quam judicii auctoritas tui luculentior faciet. Ad hasce cogitationes ab Amico meo singulari D. GUILLIELMO BLITTERSWYCKIO, JUSTI F. inductus sum: qui cum in Republica versetur, sic simul Litteras, Elegantiasq; complectitur, ut illud meum *σπῆλαιον* exprimat, illud unum utile censens, quod rectum & honestum est, & à sordibus alienum. Filium amo: sed Patrem nunc laudo, in quo Viro ipsa sibi virtus videtur exemplum formare. Quâ integritate & simul prudentiâ Fisci Munus in FISCANTIARUM COLLEGIO administravit, unus & viginti anni loquuntur; quo fructu, res ipsa Regia indicat, & privatim ego scio. Quid possit fieri, experientiâ novit; quid debeat, virtute vult: quia auctoritas sæpè defuit, utilitas impedita est, & occasio neglecta. Hic, ne plura dicam, BLITTERSWYCKIUS est, verè JUSTI nomine, quod vitâ, moribus, munere ubique sibi vindicat: verè Assessoris loco dignus, ad quem nisi adspiret, in se peccet, & negligere comoda Regia, ad quæ promovenda natus est, videatur. Ego peto, prelo, ambio, & auctoritatem tuam in favorem merentis imploro. Cupio privatim, debeo publicè; tamquam  
judicem,

judicem, hunc Virum non idoneum tantum, sed necessarium *Æratio* esse. Alibi fortassis, ut homines sumus, & ab hominibus interpellamur, falli potui; hinc certus sum. Alii in petendo publico munere lucrum privatum spectent: hic *Regium*: in hunc unum quicquid possum commendationis confero. Sed nimius sum. Auctoritas tua, quia tota recta est, & Virtute splendet, amplectetur Virum, qui privatus esse mallet, quam in publico munere exemplum tuum non sequi. Vale, Illustrissime DOMINE & PATRONE, & me sic nunc scribentem magis ama, qui, integerissimo cultu & obsequio tuus sum. *Lovanii*, in Arce, v. Kal. Novemb. ∞. 100. XLI.

## EPISTOLA LXXIV.

*Bruxellam.*

IGNATIO LE ROY,

*Equiti, Toparchæ de Herbau,*

*Ærarii Regii Præsidi.*

SI adolescentiæ nostræ memoria in isdem aliquando locis studiisque actæ, ingrata non est; ad veterem affectum novâ familiaritate veniam, atque adeo beneficium audebo

Ha-

flagitare. Invitat humanitas quoque tua, quodam quasi animi candore ingenua, quam deprehendere è suavi interdum affatu potui, non annis, non honoribus imminutam. Torus ille flos tuus in fructum conversus est, & sic Ærario Regio primâ dignitate **P R Æ S I D E S**, ut in publico munere privatam modestiam constanter retineas, sine ambitione tranquillus, sine cupiditate dives, sine invidia felix. Vitam sic quidem tuam ab omni luctu corruptela alienam video: te in Ærario aureum, id est, purum, integrum, incontaminatum; non amore tantum, sed cultu & veneratione dignum. Amorem olim detuli, per mitte queso ut post cultum & venerationem ad eundem redeam; imò ut tuo nunc vicissim fruam, qui familiaritatis mihi fiduciam subministrabit. Facile sic quidem quod petere institui beneficium, erit; quia favore tuo niteatur: facile, & geminum; quia quod daturus es, à me in filium meum **IUSTUM C A E C I L I U M** derivabitur. Sed petitionem illè meam, imò suam explicabit, **I U S T U S** **I U S T A M**, quo vocabulo merita ejus comprehendo. Filius est: sic dixi omnia. Tuum, tu, & in studiis habes, quem tanquam meum complectar. Lovanii, in Arce, quæ & ipsa favore tuo indiget,  
**xii. Kal. Decemb. 156. xli.**

EPISTOLA

## EPISTOLA LXXV.

*Bruxellam.*

DOMINICO MARINI,

*Comiti Delle Masere.*

Singularem Epistola tua benevolentiam  
 spirat, tota suavis, & laudibus simul exuberans. Illam exosculor, ad hanc erubesco: lætus, quia amor, timidus, quia extollor. Quid enim si infra famam conatus studiorum deprehendas, & plus in nomine quàm ingenio esse? Si quid possum aut præsto, tuum ecce est: æstimare voluisti. Ne plura dicam, sic me quoque tuum habere: utere ingenio meo, & nomen quo innotui, tuo illustrabis. Metum tuo, quod Magnum est, & olim, cùm terra angusta esset, à Mari sumptum, ut toto hoc etiam elemento, & per NEPTUNI Regna resplenderet. Debebat, ita me Deus, à cælo appellatio capi: unde virtus familiæ derivata est, & quo gloria ascendit. Hanc non in armis tantum, sed & in litteris consistere, elegantissimus ille genius tuus  
 Majorum

Majorum referens indolem, ostendit: ostendit Epistola, benevolentiae, ut dixi, plena, quam mihi Litterarum causâ tribuis; plena laudum, quam Litteris, meâ. Nunc rogo, ut Lovanium, Arcem, & in eam me videas, de studiis autem meis & obsequiis coram decernas. Vale, & quamvis laudes declinem, benevolentiam velis nunc etiam petenti indulgere. Lovanii, in Arce, vi. Kal. Decemb. ∞. IDC. XLII.

---

## EPISTOLA LXXVI.

*Bruxellam.*

ANDREÆ CANTELMO,

*Summo Militia praefecto, postea Catalaunia Proregi.*

**V**irtuti quantum Militari tribuendum sit, tua novit, qui ipse totus nonnisi virtus es, solis verisque solitus idcirco meritis favorem dare. Hac fiducia scribo, & commendare virum audeo, verum MARTIS pullum, non tantum notitiâ tuâ, sed & familiaritate, imò benevolentia dignum, cujus  
nomen



EPIST. CENTURIA V. 117

Nomen per BELGICAM CAMPANIAM vicin-  
nosq; tractus, sic notum est, ut Encomium fa-  
ciat. Centurio pridem fuit, quem gradum  
cū acciperet, meruerat, solis suis factis allur-  
gens. Hic ille est, quem in obsidione Lova-  
nienſi deſcripſi; ſed tum ſigniferum: imò  
hic ille eſt, cui res graves & arduæ committi  
ſolent; ideo Principi CARDINALI, glo-  
rioliſſimæ memoriæ æſtimatus: ſic & Præſi-  
di, & Archiepiſcopo. Ego quia Virum amo,  
Virtutes ejus Excellentia Tuæ inſinuare vo-  
lui; ut, ſi acceſſerit ipſe (& ut accederet hor-  
tatus ſum) benignum vultum, aurem, animum  
CANTELM, inveniatur: favorem quoque,  
ſi alibi, hîc certè cum fructu impendendum.  
Deprehendet ſolertia tua verum hunc mili-  
tem eſſe, unum è paucis. Speret præmia ejus  
favore, cujus gloriæ paratus ſemper erit fa-  
cta ſua impendere: ut ego ingenium & ſcripta.  
Ita vale Magne Patrone. Lovanii, in Arce,  
Prid. Kal. Decemb. ∞. 1556. xli. Urbis  
& Academiae noſtræ cauſam nuper egi: nunc  
à PALLADE ad MARTEM transferre  
ſermonem auſus ſum, quod utrumque in te  
Numen veneramur,

EPIST-

## EPISTOLA LXXVII.

*Bruxellam.*

AMBROSIO ONCELIO,

*Equiti, Summo Ærarii Sanctioris  
Quæstori.*

**O**ptimum Serenissimumque FERDINANDUM, heu, præmaturè nobis ereptum, citiùs animis, quam vestibus lugere cœpimus, etiam post vestes dolorem renturi. *Omibus ille flebilis occidit*, hos Principum, Militiæ nostræ & Reipublicæ fulcrum: sed quo & bonarum artium studia nitebantur: Occidit verò, singulari mihi quidem fato; qui à læta purpura ad tristem sepiam transferre nunc calamum cogor: gemendo tristis, ut scribendo lætus antea fui. Quid nunc verò sumendum operæ sit, ipse luctus, vestiumque color indicat, totus noctis, imò totus mortis, quam nigram, non pallidam cum Poëtis appello. Nigra vestis est, quam sumpsi, sed meo hîc sumptu; ut summulam ab Ærario mihi tanquàm à Consiliis, decretam à tua

à tua humanitate recipiam. Exigua est: sed  
quia à tua manu, magna videbitur. Non e-  
nim quantum numeretur, sed à quo, & quo  
animo expendendum est. Tuum scio, te ve-  
neror, & me offerens meum hîc Nomini tuo,  
Virtuti, dignitati consecro. Lovanii, in Ar-  
ce, x. Kal. Januarias, ∞. 156. XL I.

---

## EPISTOLA LXXVIII.

*Bruxellam.*

VIRGILIO.

MARCHIONI MALVEZZIO,

*Legato Regio.*

**N**OVUM mitto folium, cùm debeam folia:  
sed hæc nunc, ita à molestiis nonnullis  
respirem, promptiori manu daturus sum;  
cùm nihil æquè desiderem, quàm sine inter-  
missione versionem pulcherrimi hujusce O-  
peris absolvere. Non in omnibus hactenus  
mihi satisfactio: à tuo tamen cupio iudicio  
pendere. Itaque si intellexero, quæ ad gu-  
stum non sint (ac sine dubio nonnulla erunt)  
operam

operam dabo, ut novis formulis naves meos corrigam. Satis erit, quemadmodum nuper insinuavi, loca adnotare. In aliis me ames, hic ut severus sis rogo: ita enim amari me intelligam. BLITTERSWYCKIUS meus hic suam simul offert operam, scripturus ad me quidquid Censuram postulabit. Viri hujus diligentiam mirari & amare satis non possum, quæ cum maxima bonitate conjuncta est, digna in Magnis occupari, & favore tuo; ut sic magis merentis conditio illustretur. Patrem ejus Optimum, Prudentissimum, Integerrimum puer commendavi; quia hoc me officium debere & Regi & Ærario Regio censui: debere ejus meritis, qui cum munus petit, præmio potius donandus est. Viri boni promovendi ad publica munia sunt, & publicè privatimque se habebunt bene omnia: ipsi mali volent tandem boni esse. Sed ego audebo quoque pro filio meo, sed bono; pro milite, sed strenuo; pro equite, sed signifero intercedere, ANDREA PUTEANO; qui in turma sua (hæc Præfectum habet SALVATOREM RUFINUM Mediolanensem). Optionis sive propræfecti locum hætenus vacuum petit. Quia alii omnes judicant eum mereri, tuum imploro favorem: quemadmodum D. MICHAELIS DE SALAMANCA

**M**ANCA nuper imploravi. Scit ille hoc munus in filium meum rectè collatum iri, ideoq; omnem addixit operam. Si opus sit, petitione meam litteris ad ipsum Excellentissimum Comitem *ASSUMARIUM* directurus sum: quem propitium, ut spero, experiar, quia jam benignum. Vale Illustrissime & Excellentissime *DOMINE*, & me ama. Lovanii, in Arce, vi, Eid. Febr. ∞. 1500. XLII.

---

## EPISTOLA LXXIX.

*Monasterium.*

JOANNI CUYERMANS,

*In Suprema Brabantiae Curia.**Senatori, Legato Regio.*

**P**Arce deliciis: Virtutem ego tuam, quæ profectò non jacuit; & Amorem qui nec tacuit, admiratus sum. Semper stat, qui rectè ac prudenter agit: semper loquitur, qui amat. Dites ego oris & pectoris tui dotes olim novi & suspexi: tu verò per *discrimina rerum* & fortunâ obstrepente, *in Latium tendens*, honoris præmia & meritis, & consecutus es.

Me simul quàm amâris, & quàm non filueris  
 scripta tibi mea lecta, imò æstimata, indicant,  
*PURPURAM* sic quidem *AUSTRIA-*  
*CAM*, quia ad Magnum mittere *SAAVE-*  
*DRAM* voluisti, felicitas excepit. Solem  
 agnosco, & ab eo splendorem derivari. O E-  
 pistolam planè purpuream! Sed qui sic scribit,  
 nōne *HERCULIS* ipse ingenium expri-  
 mit? Tanto placere Viro satis est ut omni-  
 bus placeam. Post librum, si libellum æstimas,  
 hanc nunc de *ANAGRAMMATISMO*  
*DIATRIBAM* vide, mei vicissim Amoris,  
 non tacentis, tesseram. Ut & ego utar deliciis:  
 invenies hîc nomen tuum, & fortassis igno-  
 rabis. Lovanii, iâ Arce, prid. Kal. Maii. ∞.

EOC. XLIII.

## EPISTOLA LXXX.

*Bruxellam.*FERDINANDO  
DE BOISCHOT,*Baroni de Saventhem, Brabantia  
Cancellario, Legato Regio.*

**A** Nupero conflictu tristiores eramus;  
ob sinistrum etiam de Nobilissimo filio  
tuo rumorem. Sed salvum esse, postea intel-  
leximus, & gavisi sumus. Quis neget dubios  
belli ubique casus esse? Sed magna stetit hæc  
victoria hosti; cui postquam cessimus, pares  
sumus: cessimus autem non virtute sed fortu-  
nâ; & ut majori fiduciâ tam Duces quàm  
milites niterentur: illi consiliis, hi armis o-  
stenderent, victos se non esse. Dabit igitur  
Deus meliora: dabit Pacem, in quam GAL-  
LIA jam prona est, majoribus affligenda ma-  
lis domi, nisi bellare foris desinat. Quid ego  
ista, quæ prudentiæ tuæ explorata sunt? Ma-  
lo de studiis, aut iis certè negotiis, quæ Ur-  
bis

bis nostræ sunt, & ad mutationem Magistratûs faciunt. Amicum hunc meum, virum & civem singulari laude bonum inter scabinos nominatum esse intelligo: hunc quia aptissimum scio, commendare audeo: prorsus quasi beneficium & Urbi & mihi petam. Bis jam Senatorem egit, & se majori dignum gradu præstitit; carus Civibus suis, Regii nominis & existimationis studiosus. Fortunis quoque commodus est, moribus compositus, vitâ & famâ honestus. Talis omnino, ut de favore & gratia, quam peto, dubitare non debeam. Vale. Lovanii, in Arce Regia, 111. Eid. Jun. ∞. 156. XLIII.

---

## EPISTOLA LXXXI.

*Bruxellam.*

FRANCISCO DE MELLO,

*Marchioni de Tordelaguna,  
Belgicae Gubernatori.*

**I**N Virtutem tuam insurgens Fortuna, magis etiam gloriam illustravit. Non potuit iniqua



iniqua esse, nisi rursus tamen faveret, quasi explorans, an quo animo roboreq; prospera geri solent, adversa corrigantur. Victoriâ nuper ad triumphum veneras, nunc clade ad Victoriâ. Nam ut pugnatum est, plus penes hostem damni fuit: qui postquàm vicit, rejectus est. Stamus igitur, quia in fracto exercitu integræ rursus vires sunt; quia fortior Magnus ille M E L L U S, & consiliis & armis: Stamus inquam, & viciniore Paci sumus; quam, tuæ cedens Virtuti G A L L I A, in novo hoc suo & lubrico rerum statu quæret; non habitura securitatem domi nisi hostilitatem foris deponat. Huc jam vota omnia nostra diriguntur: meum etiam peculiare, ut bene Pacem volentibus sit: bene inter bonos B L I T T E R S W Y C K I O meo: quem, occasione Magistratûs in Urbe Bruxellensi renovandi, obnixè commendo. Ut Scabinus fiat, primum Tribus suæ suffragium adfert: sed ille, utilior Regi futurus; Thesaurarii munus meretur. Ille meretur, ego peto, certus, illum functioni istî aptissimum esse; summâque fide & curâ rem populi & Subsidia Regia promoturum. Breviter sic dixi quæ dicenda sunt; & quæ dicent alii, si privatum affectum publico metientur. Multæ & præclaræ animi ingeniiq; dotes in hoc Viro sunt, dignæ Republicâ

publicâ, dignæ isto munere, dignæ, ut claudam, tuo favore. Hunc peto, hunc expecto, hunc promittere Amico & promerenti audeo. Vale, vive, vince, & omnem ostende Virtutem tuâ fortunam minorem esse. Lovanii, in Arce, x v. Kal, Jul. ∞. 1560. XLIII.

---

## EPISTOLA LXXXII.

*Bruxellam.*

BENEDICTO DE LODI,

*Marchioni de Tordelaguna à  
Sacris Confessionibus.*

**A**UREUM illud tuum, & plenum Virtutibus pectus, quemadmodum veneror; ita à curarum mole ad quietem aliquam audeo, & amoenitatem provocare. Nostrum hîc cœlum, nostrumq; hoc Solum quidni alubescat? Ubi Musæ Gratiæque, etiam, tranquillior pietas est: malisq; inter studia, quàm negotia respirare. Ergo Arcem hanc, MARTIS olim Sedem, nunc PALLADIS in hospitium offero, non sumptuosum, sed amicum; in quo,  
fi

si quid nuper tristior fortuna peccavit, depo-  
 nas ac diluas. Sanè & me familiamque meam,  
 & ipsum locum beabis. Ne proficisci grave  
 sit, comitem itineris, imò ducem daturus  
 sum, & quo vel maximè delecteris, *BLIT-  
 TERSWYCKIUM* meum; prorsus tanquàm  
 alterum me, Virum Optimum, officiosissi-  
 mum, integerrimum, rerum mearum omnium  
 participem ac consortem. Veniet ille libens  
 meâ causâ, & magis tuâ: quorum alterum  
 amoris est, alterum officii & amoris. Ut igi-  
 tur hunc amorem, hoc officium admittas ro-  
 go, & aliquid vicissim mihi, in Amici tam  
 boni gratiam, sed nescientis, concessum esse  
 velis. Urbis Bruxellensis innovatur Magistra-  
 tus: quia de Thesaurarii quoque Munere a-  
 gitur, mea vota & cogitationes in *BLIT-  
 TERSWYCKIUM* direxi. Eas adfert do-  
 tes, quæ dignitatem istam omnino merentur:  
 & quid de eo Cives sentiant, publica suffragia  
 attestantur. Spes mea omnis est in ipso Mar-  
 chione *DE TORDELAGUNA*, ad quem scripsi:  
 sed ut eæ litteræ tuis inclusæ transmittantur  
 ad petitionis pondus maximè facier. Reliqua  
 Pater *BLITTERSWYCKII*, Vir dignis-  
 simus affectu omnium dicturus est, qui litte-  
 ras dabit. Huc redeo, & rogo, ut relictis isthic  
 curis, ad nos excurrere, & in Arce ad remis-  
 sionem

sionem & amœnitatem structâ, respirare per  
dies aliquot velis, imbui aëre, qui ad sanita-  
tem faciet. Vale. Lōvanii, in Arce, xiv.  
Kal. Jul. ∞. 1561. XLIII.

## EPISTOLA LXXXIII.

*Bruxellam.*

FRANCISCO KINSCHOTIO,

*Supremo Belgicæ Thesaurario, postea  
Brabantia Cancellario.*

**M**agni muneris tui umbram saltem ali-  
quam in Urbe Bruxellenſi exprimit, qui  
Civibus à Thesauris est, & tuo quoque suffra-  
gio constitui solet. Sed Virum ego nunc com-  
mendare audeo, qui aliquid etiam (liceat  
dicere) Genii tui habet; quia præclaras & in-  
corruptas animi dotes admirabili candore  
temperat, promptus, prudens, & quasi ad  
Rempublicam natus. GUIL. BLITTER-  
SWYCKIUS est, totus ille meus; sic jam  
versatus in Curia, ut laudem apud Bonos  
omnes adeptus sit, ultimisque Comitibus Ci-  
vium, quo Scabinus fieret, primo omnium  
loco

loco Nominatus. Publici calculi publicum elogium faciunt; meum adjicio, quamvis privatum, sed quo publicam conor utilitatem promovere. Hic ille Vir est, qui *Ærario Urbis* regendo aptissimus est; qui accuratissimâ diligentia res omnes tractat; alienas, tanquàm suas, has etiam postponens; qui ab avaritia, sordibus, malisque artibus, quemadmodum *Reipublicæ* studet; ita *Regi Regiisque* commodis addictus est. Sic quidem ut alios jam *Magnates* taceam, à *Magno DE TOR-DELAGUNA* amatur, & tanquàm inter familiares: sic ( ut omnia dicam ) jam notus est. Ego pro affectu meo, imò pro officio, ago. Pro affectu, tanquàm filium ( sic cum habeo ) commendem: pro officio, tanquàm peccem, nisi commendem. Ut igitur tuo illi favore propitius sis, Te per amorem mei rogo. Magni muneris tui umbram aliquam expressurus, semper & totus tuus erit, quemadmodum ego me, ô *Virtutum Patrone*, esse vero cultu profiteor. *Lovanii*, in *Arce* adhuc laborante, *xiiii. Kal. Julias*, *co. 13c.*

XLIII.

## EPISTOLA LXXXIV.

*Bruxellam.*

CAROLO LAURINO,

*Consilii Provincialis Artesiae Præsidi,  
& à Consiliis Statûs.*

INTER Amicos peculiari affectu BLITTERS WYCKIOS prosequor: Patrem, Filiumque majorem natu, in quo totum quasi Patrem invēni: Virtutes, inquam, Patris, meā etiam institutione (quod gloriōr) pro-  
vectas. Et Pater quidem in sanctiori Ærario, multis jam annis Fiscī Advocatus, Rem Regiam prudentissimè, diligentissimè, integerrimè administravit: Filius hoc exemplo in Curia & regimine Civitatis Scabinum non sēmelegit: nunc etiam à Tributibus suis, & primo quidem loco ad idem munus Nominatus. Æstimare, & sic commendare ingenium ejus, quod vividum est, judicium, quod acre & rectum, industriam quæ incomparabilis, voluerunt. Totum si spectem virum, incorruptissimus est, & à malis omnibus artibus

bus alienus: majori etiam functione Reipublicæ dignissimus. Hoc ago igitur, hoc voveo, ut in Thesaurarium Urbis, hoc anno eligatur. Ago, inquam, sed tanquàm ipse Patrem & pro filio agam: voveo, quod scio & Aerario civium, & simul Regio utile commodumque fore. Tuum igitur favorem, tuum suffragium imploro, & tuâ niti auctoritate audeo, quæ non poterit à solita humanitate abire. Hic meus, gratus est Bonis, gratus Magnis, gratus Magno Gubernatori nostro MELLO; qui hoc idem illi munus superiori anno (ut certò scire potui) destinaverat, si tum quidem Magistratus non fuisset confirmatus. Quid plura? Merentem commendo: & tua non poterit merenti Virtus non favere. Ego certè, quâ hoc nunc peto familiaritate beneficium, eâ fiduciâ exspecto. Peto mihi, & sic Amico meo: exspecto verò, quod totum in Rempublicam & Regem transferatur. Sic amo, sic nunc laudo BLITTERSVYCKIOS: tu eos, in familiaritatem assume, laudare ac laudare voles. Vale, & vive, & me tuum, ut soles, habe. Lovanii, in Arce, x 1. Kal. Jul. 1600. XLIII.

## EPISTOLA LXXXV.

*Bruxellam.*FERDINANDO DE  
BOISCHOT,*Equiti Ord. S. JACOBI, Baroni de Sa-  
venthem, Brabantiae Cancellario,  
Legato Regio.*

**R** Apuit me nuper singularis Benignitas tua, etiam litteris, eisque amicissimis expressa. Hinc nunc liberior sum, & petitionem proferre audeo, à Cive ad familiarem Amicum meum: quem nisi commendem, deesse mihi, Reipublicæ, Regi ipsi videar. Cum Amicum dico, omnia dico, & complector simul, quæ commendationem merentur, genus, ingenium prudentiam, industriam, integritatem. Sic natus, sic educatus, sic usu factus, sic virtute confirmatus, meus est, G. BLITTERSWYCKRUS, dignus Republicâ, quam Scabinus, & cum laude, in Curiâ Bruxellensi, semel iterumque gessit: dignus affectu tuo, quem ut ego impetravi pri-  
dem



dem, ita nunc & ex occasione derivare in hunc Amicum velim. Varia accepi beneficia, unum nunc etiam, & huic uni rogatum venio, quod functione Thesaurariâ continetur; sic administrandâ (ita spero, ita spondeo;) ut Rex & Respublica fructum, Illustrissimus favor tuus laudem gloriamque percepturus sit; fateantur Boni omnes Magnique, rectè hoc munus collocatum esse. Quomodo id etiam & ad studia mea, & ad famam Urbis Bruxellensis faciat, testatum mox reddam: placiturus ipsi magis Excellentissimo Marchioni DE TORDELAGUNA, ubi intellexerit, BLITTERSWYCKIUM à me commendatum esse. Tuus semel sit, neminem magis ames, neminem æquè familiarem cupias; à nemine etiam observeris religiosius, sincerius colaris. Agere ille solet, quæ alii dicere, non verbis, sed reipsâ, candorem, & officia boni viri profiteri. Has in eo inveni virtutes, quidni promoveam? Et his nunc conor Benignitatem tuam propitiam reddere, ut uberius celebrem. Sic nunc vale, & permitte, ut te Patronum suum BLITTERSWYCKIUS nominet habeatque; qui me solet Patrem appellare. Quæ scribo, toto affectu scribo, & hunc totum perpetuo cultu gloriæ tuæ consecro. Lovanii, in Arce, 1 x. Kal. Jul. ∞. 1500. XLIII.

## EPISTOLA LXXXVI.

*Bruxellam.*

CAROLO LAURINO,

*Consilii Provincialis Artesiæ Præ-  
sidi, & à Consilio Statûs.*

**S** Alutem à te mihi Clarissimus, TULDE-  
NUS noster tulit, quam calamo geminam,  
ter geminam, intimoque animo reddo; De-  
umque precor, ut pro voto vita fluat, & in-  
seram sanè ætatem extendatur. Filius hîc qui-  
dem tuus repentinus, & puerilibus purpureis-  
que nos papulis sollicitos habuit: sed extra  
periculum nunc omne est, Rubor enim ma-  
turuit, & suum viscera vigorem sibi vindicâ-  
runt. Ad compendium morbi facit, in tam  
bona domo curari. Non poterat etiam malè  
corpus ejus esse, ubi tam bene ingenium erat.  
Cæterùm convalescenti Elogium CARO-  
LI V. Imperatoris obtuli: quod & huic  
nunc epistolæ tanquàm munus adjungo. Quia  
Elogium est, placere poterit; quia Histori-  
cum, ad delicias faciet. Censurâ Sanctioris  
Con-

Consilii munitum est, quæ à tuo quoque consensu venit ornatum typis, ut quemadmodum antea cruciasti oculos, nunc oblectes: magis enim à prælo, quàm à calamo ingenii opera allubescant. Quidquid sit, ut partes illæ hæcenus sunt, THEATRUM meum struitur, reliquosque mox Imperatores recipiet. BIVIVUM interim VITAE HUMANAÆ, sed Virtutum Vitiorumque Lineis constituo, bono, ut spero, juventutis. De reliquis adhuc Scriptis meis deliberandum erit. Vale. Lovanii, in Arce, VI II. Kal. Octob. 1600. I. C. C. XLIII.

---

## EPISTOLA LXXXVII.

*Mechliniam.*

GUILIELMO BURIO,

*Ecclesiæ Metropolitanae Canonico.*

**O**bstingi incipio, ita amans mei, rerum mearum satagis. Epistolam verò tuam exosculatus sum, quid nisi imaginem tui? Animum videre potui, quem eleganter & officiosè exprimis, totum & candidum & bonum

num, Sanè quemadmodùm eruditus es, ita & mores habes. Gaudeo igitur, & CHIFFLETIO CODICEM Legum Antiquarum datum esse & ZAPPIO litteras meas. Gaudeo quin imò, plures jam esse, qui BLITTERSWYCKII affectum exprimant: in unius locum plures venire. Et ZAPIUM quidem nisi amem, indignus omni amore sim: nisi te, barbarus & inhumanus. Ille vilem epistolam, vel solo nomine meo æstimet, totum sibi ingenium obstringit. Tu cum promptam paratamque in res meas operam offers, ad familiarem me finis scriptionem progredi. Atque hæc peculiaris quædam humanitas est: quâ, ut me tuum esse videas, uti pergam. Interdum Magni, aut Amici salutandi, tuo id ore fiet: interdum litteræ dandæ, tuâ id manu. Etiam nummorum negotia quædam sunt, alia librorum. Et quamvis circa libros ferè occupatus sim; cogor tamen etiam ad nummos sive recipiendos, sive expendendos venire: quorum alterum Philosophi, alterum Civis munus est. Juvabis utrobique, & si quid præterea agendum, Gladius mihi DELPHICUS eris. Me vicissim occupa, ama, & ex intervallo, scriptione bea. Lovanii, in Arce, Nonis Novembriis, postridie. Natalem meum anno 60. 150. XLIIII. Septua-

Septuagesimum heri ingressus sum : qui terminus habetur vitæ humanæ.

## EPISTOLA LXXXVIII.

*Vaillanpontium.*

MICHAELI  
DE POUTRINCOURT,

*Equiti Melitenfi, Commendatario  
de Chantryne & de Fief.*

Q UOD Academia Lovaniensis, omnesque hîc boni petunt, nisi & meâ commendatione prosequar, in officium & humanitatis & pietatis peccem. Humanum est, persolvere miseris, quod pietas exigit; pium quod humanitas suadet. Patres ecce Dominicani Hiberni remoti à Patria, & sic miseri, remotiores à subsidiis omnibus, & sic bis miseri tuam supplices humanitatem, tuamque pietatem implorant. Domus S. JOANNIS hîc LOVANI quæ tua est, malè nuper habitata à rusticis, & tantùm non profanata, iram quoque divinam manifestâ vindictâ tenuit, felix, quod

K

non

non tota fulmine absumpta sit. Recepit hos nunc Patres, & expiari potuit: qui cū gratiam Numinis novi, & tum veteres inquilini, secum inferrent, suis etiam sumptibus habitationem instaurârunt. Dicuntur igitur Sacra, vigent studia, & quemadmodū Civibus templum, ita doctis Collegium rursus patet: aguntque boni, & digni favore viri, quæ ad publicum bonum spectant. Sed quid? Onusti annuo conductionis pretio, cū gratis quodammodo rustici habitârint. Onusti, inquam, & impares, remitti sibi pensionem ducentorum quinquaginta florenorū, quæ constituta erat, obnixè rogant, & in subsidium petitionis, intercessione Academiæ, ita & meâ insuper utuntur. Dixit Academia, quæ pondus suum habent. Addo ego Deo & loco dari, quidquid Patribus remitteretur; non ut conducant domum, sed ut ipsi conducantur, par esse; hoc autem beneficium plenum humanitatis, plenumque pietatis, & hominibus, & Deo placitum. Ita vale & vive, Perillustis ac perquàm Generose DOMINE, & ab his etiam Patribus, inquilinis tuis, propitium Numen habe. Lovanii, in Arce, quæ vicina est, Nonis Maii, ∞. 1550. XLIV.

## EPISTOLA LXXXIX.

*Mechliniam.*MELCHIORI  
HULSHOUTIO,*Societatis JESU, Scholarum  
Præfecto.*

**L**itteras tuas non sepiâ sed melle scriptas,  
& in eis geminum suavissimumque affe-  
ctum exosculatus sum. Quòd me amas, be-  
nevolentia est; quòd filium meum URBANUM,  
pietatis: prorsus tanquàm & meâ &  
illius simul causâ obstringar. Hunc verò, ut  
ingenuè dicam, in Scholas Societatis JESU,  
& in tuam peculiari affectu curam admissum  
esse, tanti jam facio, quantùm profectò gau-  
deo, tam salutari me aliquando disciplinæ tra-  
ditum, litterarum studia tractasse. Alia & a-  
lia Gymnasia sunt, eadem Societas & insti-  
tutio; alii viri, eadem doctrina & fama. Ego  
quidem ut habitus sum & exercitatus, profi-  
cere potui: de URBANO meo quidni etiam  
meliora sperem? Adfert ingenium, industri-

am tuo maximè hortatū assumet, & meo, ut quid gloriosius dicam, exemplo. Ante omnia, amare discat Litteras, & volet capessere: Parentem in Præceptoribus veneretur, & Majorum in me affectum inveniet. Tibi verò nisi ampliùs etiam quàm Parenti deferat, ne mihi quidem URBANUS erit: bis futurus filius, si PUTEANI nomen suo aliquando ingenio illustrabit. Faciat Deus, & te mihi, mei amantem servet. Novum quia annum ingressi sumus, strenulam hanc geminam à me, imò à filio cape, & me tuum cense. Lovanii, in Arce, Eidibus Junii, ∞. 166, XLIV.

---

EPISTOLA XC.

*Hagam-Comit.*

JANOVLTIO,

V. C.

**N**on veniam elegantissime VLIT ad verborum delicias, ut silentium excuserem. Distuli litteras, quas sine notis mittere nolui. Distuli notas, quasi infra expectationem tuam futuras. Sanè vilioris mihi com-  
matis



matis excerpti visæ sunt ; collectæ olim,  
 cùm quidquid in GRATIUM esset , tan-  
 quàm dignum gratiis æstimarem. Hic tum af-  
 fectus erat, ne errorem appellem, quo in tu-  
 am nunc peccare eruditionem timui. Rursus  
 promissi mei memor, paucas persolvere litu-  
 ras verecundè malui, quàm ambitiosè debe-  
 re. Accipe igitur munusculum nunc tandem,  
 & vix munusculum. Non pretio quidem suo,  
 sed meo obsequio expendendum. Aliquo sic  
 etiam erit loco, quod nullum est, si non erudi-  
 tionis tuæ, sed humanitatis rationem habebis.  
 Illam coràm admiratus sum, hanc toto absens  
 animo complectar. Vale, & me cultissimi in-  
 genii tui & eruditionis elegantias æstiman-  
 tem ama. Lovanii, in Arce , xi. Kal. Sep-  
 temb. ∞. 1770, XLIV.

## EPISTOLA XCI.

*In Castra.*

FRANCISCO DE MELLO,

*Marchioni de Tordelaguna,  
Belgicae Gubernatori.*

**N**Ovo rursus affectu, novoque cultu me totum, totamque studiorum rationem Excellentiae Tuæ, Do, Dico, Addico. Venienti gratulatus fui: abeunti (ut rumor est) placere quomodò non conmitar? Tanquam in die fuerim, noctem timeo, propitia post Solem sidera fortassis non habiturus. Sed tua Virtus ad majorem tendit splendore tuo gloriam, paucarum Provinciarum angustiis claudi nescia, ut Magni Regis nomine Regna moderetur. Si meæ spontis sim, & sine onere in obsequium transire Excellentiae Tuæ velim, pars Comitatus esse, & quocumque, quacumque sequi; exequi ingenio stiloque munia quæ tanto Patrono devotus cliens nunc etiam debere me profiteor. Hoc desiderium, sed aliud fatum: quod manere jubet,

jubet, & apud Belgas reliquum ætatis transigere. Aliquid solatii à nupera in HISPANIAM missa petitione expectaveram, sed frustrà. Etiam titulus ille à Consiliis, & sic neque stipendium auctum. Decreti semel mille floreni, longi tamen aut incerti. Ductis igitur ad calculum rationibus, vendere Bibliothecam constitui, quæ quatuordecim millibus florenorum æstimatur. Sed utinam hunc Thesaurum Princeps aliquis sibi vindicet, ne, si in plures veniat manus, dispergatur, si in privatas, paullatim etiam pereat. Magno labore, sumptu, tempore instructus est, & tanquàm gemmas Librorum rariores contineat, pretiosus. In meum usum pauca & geminata quæ habeo exemplaria sufficient. Rex noster Gymnasium Imperiale nuper MADRITI instituit, non adhuc plenâ laude, nisi Bibliotheca accedat, quæ muta & semper loquens ingeniorum officina est, sive docenti, sive discenti necessaria. Quamvis arma ubique strepant, Litterarum tamen ratio habenda est; sine quibus nec arma esse possunt. Verùm excedo: atque familiarius quàm deceat, agere videor. Summa Scriptionis hujus est, ut Excellentie Tux discessum in alias terras paranti prospera, lœta, optata omnia voveam; me, ut

dixi novo rursus affectu novoque cultu totum mancipem; absens tanquam præsens semper futurus sim. A me enim Benignitas tua, quæ virtutibus omnibus, scientiisque splendet, nunquam abibit. Vale & vive, Illustrissime & Excellentissime DOMINE, PATRONE æterne, & Deo munitus, major hominibus esto. Lovanii, in Arce, prid. Kal, Septemb. ∞. 1500. XLIV.

---

## EPISTOLA XCII.

*Bruxellam.*

MICHAELI DE SALAMANCA,

*Equiti Ordinis S. JACOBI,*

*Ærarii Militaris Regii*

*Summo Præfecto.*

**V**otum hoc nostrum, & bonorum omnium hætenus fuit, ut tuas virtutes Rex Magnus BELGIO redderet, isto lumine, in hoc statu rerum, isto solatio indigenti. Exurget quoque PALLAS mea, quia MERCURIUM suum recipiet, & tanquam à JOVE missum.

Non.

Non finit valetudo, ut excurram, & coram veterem affectum novâ veneratione consecrem. Facio calamo, & eodem cultu, quo pridem & me, & familiam meam, atque ipsa studia à tuo pendere patrocinio professus sum: quemadmodum ultima signa LACONIS-  
mus recepit. Ut tempora sunt, imò ut homines sunt, non possunt sine fulcro steriles à se Litteræ stare: sed ut tua est auctoritas, bonitas, omnisque pulchri amor, non poterunt deinceps jacere. Antea sanè, quò minùs de rebus sive privatis, sive publicis agerem, intervalla locorum impediabant: nunc si non præsens, proximus tamen sum, & ex Arce, quæ velut larem familiarem te agnoscit, loquar; lætiores facturus ætatem meam, quæ à benignitate tua novum vigorem sumet, & in hieme, sive temporis sive fortunæ, hiemem ignorabit. Ut hæc etiam nunc Dignitas tua est, perennem sibi vindicans gloriam, aliquid etiam ipse luminis, imò caloris à familiaritate obsequii derivabo. Plura dicenda erant, sed contraho, ut Nobilissimus BLITTERSWYCKIUS meus ore suo sermonem extendat. Is nunc scribenti mihi adest, & in hoc mecum contendit, uter Virtutes tuas, & incredibilem humanitatem magis amet, colat, suspiciat. Ceterum, huc venerat, ut in GELDRIAM mox,

& ad novum munus suum à Consiliis profecturus, Amicis, & mihi hoc nomine valediceret. Ut igitur illius nunc cultum ac venerationem benignè admittat facilitas tua, sed tanquàm à me simul proveniente[m] rogo. Vale, vive, & me ama, Illustrissime DOMINE & PATRONE, ac plenà felicitate frui : quam apprecari tota familia mea audet. Lovanii, in Arce, x. Kal. Novemb. 1650.  
XLIV.

---

## EPISTOLA XCIII.

*Bruxellam.*

E I D E M.

**H**umanissimæ rursus litteræ tuæ sunt : & quomodo aliæ essent, quæ tuæ? Sed tam benigno favore uti posse, magnum beneficii pondus, & instar est. Quò etiam recurrerem, nisi ad benevolentiam tuam quam velut sacram anchoram jam sæpiùs expertus sum? Non igitur infelix hæc senectus erit, non studia, si tuæ quoque & Virtuti, & Gloriæ impendentur. Septuagesimum primum ætatis annum prid. Non. Novemb. ingressus sum, & novum

vum vigorem ab affectu tuo sumo. Quò magis nunc etiam rogo obtestorquæ, ut Excellentissimo PICOLOMINIO & vota mea commendes, & officia offeras; quæ licet litteraria sint, ad militiam tamen faciunt. Non pugno, sed describere pugnæ soleo, stilo celebrans, quæ gladio geruntur. Filium interim militem, sed strenuum & merentem, si attollere studeam, dignus favore sum; tanquàm litteris velim arma sociare. In præsentipetitione unum hoc fortassis objici possit, filium meum Italum non esse. Ille verò maximè est: non tantum, quia Mater Italia; sed quia cum tota ego posteritate in numerum Civium ac Patriciorum Romanorum singulari honore adscriptus sum: sic certè Italus quia Romanus; ut ubicumquæ filios habeam, Italos possim nominare. Sed simus Belgæ; facta Italica, imò Hispanica (præfiscine dixerim) filius exprimit, prærogativam sibi non unius rationis vindicans. Ad summam, felix ero, si quem commendo, ex Propræfecto Præfectum videam. Vale, familiæ meæ Heros, & me ama. Lovanii, in Arce, v. Eid. Novemb. ∞. 1564. XLIV.

## EPISTOLA XCIV.

*Bruxellam.*

OCTAVIO PICOLOMINIO,

*Duci Amalfio, Militiæ Belgicæ Archistratego Regio.*

AUsum denuò, nuperâ inductus humanitate pro filio meo ANDREA ad Præfecturam turmæ suæ adspirante interpellare. Sed & occasio nova invitat, quam constans rumor suggerit, Equitem VALLE MELITAM revocatum, à Militia Regia abiturum. Hæc igitur occasio si vacuum munus faciet, jam tempestivè rogo ut nostri memor Excellentia Tua sit, & petitionem nuperam, sed casu irritam, novo favore complectatur. Aliquid spei, imò fiduciæ in meritis filii, totum in virtute tua merita æstimantis. Evahatur filius; ut utilis Regi, & Militiæ Regiæ sit: ego beneficium præcipuè capiam, & ipsa putabo Litterarum studia attolli. Hæc tracto, hæc ad gloriam quoque Rei Bellicæ faciunt,



ciunt, & lumen vicissim, imò vitam à Maximo Belli Duce in BELGIO sument. Ita vale, vive, vince. Lovanii in Arce, Prid. Kal. April, ∞. 15 C. XLV.

---

## EPISTOLA XCV.

*In Castra.*

E I D E M.

**C**Um jam intelligam, Equitem **VALLI** non rediturum, alique sint, qui Praefecturam turmae ambient, imò petant; causam rursus filii mei **ANDREAE**, libellum supplicem offerentis, ago, & commendo. Non me finit heroica Excellentiae Tuae benignitas de favore, quem spero, dubitare. In hac autem filii promotione Pater rerum suarum summam collocat, veneraturus ingenio Excellentiae Tuae gloriam, quā & bellum hoc nostrum, & BELGIUM illustratur. Bellum, quamvis gravissimum, & geminum; cum hostis uterque magis adhuc lassetur, quam vincat, majori strepitu quàm fructu, nisi minuta quaedam, sed ingenti conatu molimina aestimet. BELGIUM autem, felix, quamvis

vis afflictum , quia incredibili virtute tuâ , vigilantia , fortitudine propugnatur. Ecce inter tot milites tuos , etiam filius meus est , ad majorem jam adspirans gradum , ut præstet amplius , & se ostendat PUTEANUM esse , sed Excellentia Tuæ beneficio evectum. Petitionis momenta nuper exposui : & quamvis ipse taceam , merita loquuntur , quæ suum ab hoc honore præmium accipient , & mea simul studia , Excellentia Tuæ dedicata , attollent. Sed ego , ut indicarem à Litteris Militiam alienam non esse , Novam istam MUNITIONUM SYMMETRIAM scribere volui ; facillimis LINEIS constitutam. Si nimis fortè facilem Artem feci , utilitatem non imminui. Vale , vive , vince. Lovanii , in Arce , prid. Non. Augusti , ∞. MCC. XLV.

## EPISTOLA XCVI.

*Cracoviam.*FRANCISCO A DEMBIANII  
DEMBINSKI,*Succamerario Generali, Provin-  
cia Cracoviensis, Vielacensis,  
Bochnensisque Capitaneo.*

**I**N litteris ad me missis & virtutem & Dignitatem tuam veneratus sum, quibus inter prima Regni decora emines, amplexus humanitatem, quâ veteres ac tenues conatus meos æstimas; veterem verò, ac singularem tuum in me affectum innovas & velut instauras. Jam pignus habebam tantæ benevolentiae, filium tuum egregiâ indole & luculentis animi ingeniique dotibus instructum; quem cum in larem meum, & familiarem studiorum consuetudinem susciperem, suscipere ipsum Patrem videbar. Quidini verò optima sperem? Ausim promittere? Nec tam stimulus necessarius est, quàm directio, sive

Suadæ

Suadæ templa, siue Politices scandenda sint, illa ardua & sublimi collocata, à Bona Mente subsidia sunt, quam cùm nomino, omnia studiorum adminicula comprehendo. Multum etiam momenti in Gubernatore filii: cujus & probitas & doctrina, tam exactè feliciterque ad exemplum, quàm ad imperium valent; quo utroque uti, compendium quoque laboris erit. Sed mihi jam Palæstra non nisi domi est; quæ publica antea erat, eò etiam ignobilior, quia tuo nomine velut lumine destituta. Quid dicam? Modus operis, pauca tantùm admittebat Eloquentiæ specimina; neque pompa hîc spectata fuit, sed fructus. Hunc etiam, si in filio nunc ostendam, quanti Patrem faciam, testatum, ut spero, reddam. Faciam equidem, ut & meus quodammodo filius videatur. Ita vale, Illustrissime & Excellentissime DOMINE, & me amare perge, imò vel sic incipe. Lovanii, in Arce VII. Eid. Decemb.

∞. I O C. XLV.

EPISTO-

EPISTOLA XCVII

*Bruxellam.*

PHILIPPO CHIFFLETIO,

*Abbati Balernensi, Metropolitanae  
Ecclesiae Vesontinae Canonico  
& Vicario Generali.*

**V**ehementer me cepit insigne quod ac-  
cepi libri munus, argumento piissimum;  
versione, ut facundiam & elegantiam expri-  
mam; Tuum; typis, qui tali debebantur & ar-  
gumento, & versioni, Plantinianum. Imagines  
nitidioris scalpelli sunt; aptissimè verò à tam  
vivo divini Amoris exemplo sumuntur. Ver-  
sus illi tui in limine, totidem velut lumina  
sunt, nisi & imagines appellandæ. Hæc brevi-  
ter, ut videas, quantum debeam, & quantum  
velim equidem referre. Non possum autem,  
nisi parva quædam, & grati animi specimina  
magis quàm dona: quæ nec mitto, sed pro-  
mitto: quia omnino adhuc parata non sunt.  
Licebit verò hac etiam ratione agnoscere  
bene-

benevolentiam, & Musam Doctissimi JAMES  
DETRABI cui & pietas tam eruditè, &  
eruditio tam piè scribenti obstricta est: ego  
utriusque causâ. Vale, & me amare perge  
toto animo tuum. Lovanii, in Arec, v. Kal.  
Mart. 66. 1700. XLV.

## EPISTOLA XCVIII.

*Cracoviam.*

STANISLAO à KONIECPOLE  
KONIECPOLSKI,

*Castellano Cracoviensi, Regni Polo-  
nia Summo Stratego, Buscensi, Ba-  
rensi & Covelienfi Praefecto.*

**P**ost nuperum ac liberale munus, novum  
ecce benevolentiæ pignus, alter STANISLAUS  
KONIECPOLSKIUS, Excellentiae tuae Nepos.  
Pro munere quidem nunquam satis gratiae  
scripserim; Pignus ita complexus sum, ut veri  
nunc audeam clientis nomen, imò officium  
usurpare. Non promitto operam, sed offero:  
non paro, sed impendo. Hujusmodi etiam

hæc

hæc indoles est, tam serena, quàm serena; ut non possit à sanguine, id est virtutè & gloriâ, degenerare. Facilis igitur, institutio erit; fructus, ut spero, fertilis; quia & in auxilium probi prudentisque cura Gubernatoris veniet. Sed STANISLAUS hic tuus stimulos à bona natura adferens, non sinet profectò infra nomen suum ingenii laudem jacere. Ut auspicia quoque sunt, feliciter succedent vota, florebunt studia, sequentur præmia, quæ perennia erunt. Vale Illustrissime & Excellentissime Domine, & gloriâ tuâ diu fructe. Lovanii, in Arce, vi. Eid. Decembris. 1700.  
D.C.XLV.

## EPISTOLA XCIX.

*Hercam.*

GODEFRIDO WENDELINO,

*Canonico Condatensi, postea Tornacensi, Ill.<sup>mi</sup> & R.<sup>mi</sup> Episcopi Officiali.*

UT in hoc æstu, plusquàm Belgico, præsumper te oblectes BRUXELLAM ecce mitto. Libenter leges, quam spectare

non invitus soles; sic quoque & Viros, & Amicos inventurus. Aliqua in Typis majestas est, in Imaginibus venustas, in Argumento varietas, septies septenis SEPTENARIIS extensa. Sed in vestibulo libri, si subsistere etiam libet, *προσφώνησιν* quæso inspicere, & examina, an modum servârim: reliqua aliquid etiam otii poscunt temporisque mollioris. Nomen tuum, & breve Elogium Heptade v. Disticho xv. invenies; & magis ingenium, quod ubique divinum, hîc etiam venerari debui: in ea, inquam, Urbe, quam deinceps meam appellabo, si tuam esse volueris. Scribe aliquid, inscribe; tuam facies: me autem tuum magis magisque, quamvis ampliùs fieri non possim. Tu fac, si me amas, ut quamprimùm te complectar, ac vale. Lovanii, in Arce, vii. Kal. Augusti, 60. 1500. xlvij.

EPISTO-



## EPISTOLA C.

*Bruxellam.*

ELIÆ DE BIE,

*Equiti, S. Petri ad VVolvam flumen  
Toparchæ, Ærarii Belgici San-  
ctioris Confiliario & priori Graphi-  
ario, Archivorumque ibidem Re-  
giorum Gazo-Philaci.*

**D**irectorem ecce Epistolarum nostrarum  
te appello, sive ad BLITTERSWIC-  
K IUM ego meum, sive ille ad me scribat.  
Nonne sic etiam excusare silentium commodè  
potui? Sæpius, ita me Deus, torpet calamus,  
aliquando ne argumentum quidem invenit.  
In rebus meis privatis nihil plerumque novi  
est, in publicis nihil læti. Sed te quando  
complectar? Licebit sic quidem & de privatis,  
& de publicis. Conjugem adduces, ut hoc  
aëre, & hac amœnitate recreetur. Aliquid  
vigoris, ut spero, capiet, & singulari cæli  
benefi-

158 **ERYCI PUTEANI**  
beneficio audebit bene valere. Multum pro-  
fectò in ipso animo situm est, aliquid pati  
posse, & crudis abstinere. Ecce Medicum  
ego, quia ægrotare didici. Nunc tamen de  
valetudine non conqueror: & quia aliquid  
mihi otii sumo, minùs senio obnoxius vi-  
deor. Vale, & me amare familiariter perge.  
Lovanii, in Arce, VI. Eid. Augusti. 66.  
I D C. XLVI.

**CENTURIAE V.**

**FINIS.**



**IN-**

# I N D E X

## E P I S T O L A R U M

### C E N T U R I Æ V:

#### A.



- Dybano Meerbeckio.* XI.  
*Egidio vanden Abeele.* VII.  
*Ambrosio Oncelio, Equiti, Summo Aetarii Sanctioris Quaestori.*  
LXXVII.  
*Andrea Canselmo, Flandria praefecto, & postea Catalaunia Proregi.* LIII. LXI. LXIII. LXVII. LXXVI.  
*Augustino Wichmans, Ecclesia Tongerloana Canonico Pramonstratensi, postea Abbati.* III.  
*Aurelio Augustino Malinao, Equiti, in Suprema Brabantia Curia Senatori, postea in Sanctiori; ac jam demum in Summo Senatu Status Belgici in Hispania Consiliario Regio.* XVII. XXVIII. XLIV.

#### B.

- B** *Alduino Bliglevio, Quaestori Regio.* VI.  
*Balthasari Nardo, Philologo, & Protometa-rio Apostolico.* XXI. LI.  
*Bartholomao VVissenio, V. C.* XLIX.  
*Benedicto de Lodi, Marchioni de Tordelaguna à*

C.

- C** Arulo Bourgofie, Brabantia Procancellario  
x.  
Carolo D' Hovines, Equiti, Toparcha de Gouver-  
nes, Steenwerck, VVinckel. &c. Confilii San-  
ctioris Senatori Regio, nunc à Confilii Statûs  
& Summo Belgica Praefidi. LXV.  
Carolo Laurino, Confilii Provincialis Artesia Pra-  
fidi, & à Confilii Statûs. LXXXIV. LXXXVI.  
Carolo Schotte, Equiti, Aeraii Sanctioris Af-  
fessori. LXXI.  
Chriftiano Benfecum, S. Theologia Doctori, Colle-  
gii Regii Praefidi. V.  
Cypriano à S. Maria, Carmelitarum in Seminario  
Lovanienfi Priori. LXIX.

D.

- D** Idaco Acevedio, Turma Equitum Praefecto.  
XXXIII.  
Dionyfio Malpafio, II.  
Dominico Marini, Comiti Delle Mafere. LXXV.

E.

- E** Lia De Bie, Equiti, S. Petri ad VVolvam  
Flumen Toparcha, Aeraii Belgici San-  
ctioris

# INDEX

Prioris Consiliario & Priori Graphiario, Ar-  
chiverumq, itidem Regiorum Gazo-Philati-  
C.

Emanueli de Gusman, Equiti S. JACOBI, Magno  
Principis Eleemosynario. XLVI.

## F.

F Abio de Lagonesa, Archiepiscopo Compasano,  
Nuncio Apostolico. IV.

Ferdinando De Boisshot, Equiti Ord. S. JACOBI,  
Baroni de Saventom, Brabantia Cancellario,  
Legato Regio. LXX. LXXX. LXXXV.

Ferdinando Sanches, Ord. Erem. S. AUGUSTINI.  
R<sup>ti</sup> Patri Confessarii Principis Cardinali So-  
cio, nunc Episcopo Agrigentino. XL. LVI.

Francisco A Dembiani Dembinski, Succamerario  
Generali, Provincia Cracoviensis, Vielacensis,  
Bochnensisq, Capitaneo XCVI.

Francisco Barberino, S.R.E. Cardinali. XLIII.  
LX.

Francisco De Mello, Marchioni De Tordelaguna,  
Belgica Gubernatori. LXXXI. XCI.

Francisco De Pacheco, Marchioni de Seralbo,  
Summo Aula Praefecto. LIV.

Francisco Kinschotio, Supremo Belgica Thesau-  
rario, postea Brabantia Cancellario. XLI.  
LXXXIII.

L5

Godefrido

# INDEX.

## G.

**G** Odefrido Wendelino, Canonico Condatisi,  
postea Tornacensi, Ill<sup>mi</sup> & R<sup>mi</sup> Episcopi  
Officiali. LXIV. XCIX.

Guilielmo Burio, Ecclesia Metropolitana Cano-  
nico. LXXXVII.

## H.

**H** Enrico Dongelbergio, V. N. Urbi à The-  
sauris. LIX.

Henrico Loyens. I. U. Doctori & Professori Re-  
gio, postea Camera Bipartita Consiliario, nunc  
in Academia Lovaniensi Legum Antecessori Pri-  
mario. LXVIII.

Henrico Ruellio. IX.

Henrico VVebero, Crucifero. XLII. XVII.

Hieronymo A Castaneda, V. N. XXVI.

## I.

**J** acobo Bruneau, è Praefectis Aerarii Insulensis,  
XII.

Iacobo Roelantio, Equiti, Toparcha de Kenthaut,  
in Suprema Belgica Curia Consiliario Regio:  
XXIV, XXVII. XXX. XXXV.

Iacobo Skytte, Libero Baroni in Daderhof. XV.  
Iano

## INDEX.

- Iano Vlitio, V. C. XC.  
 Ieremia Piersenao, Consiliario Regio. I XXIII.  
 Ignatio Le Roy, Equiti, Toparcha de Herbau, A-  
 rarsi Regii Prasidi. LXXIV.  
 Ioanni Cuyermans, in Suprema Brabantia Curia  
 Senatori, Legato Regio. LXXIX.  
 Ioanni De la Faille, S. I. in Academia Madritensi  
 Regio Matheseos Professore. XX.  
 Io. Iacobo Chiffletio, Equiti, Archiatro Regio.  
 XVI.  
 Ioanni Puteano, Fratri suo. XXXII.  
 Ioanni Vincartio, S. I. Theologo & Philologo.  
 LVIII.  
 Iosepho Geldolpho Ryckelio Abbati Gertrudano.  
 XXV.  
 Iosepho Regio, V. C. XLVII.  
 Isaaco Vandermye, S. I. Theologo & Philologo. L.  
 Iulio Buffalino, Nobili Romano. XXXIX.

## L.

- Laurentio Ramirez de Prado, Equiti S. I. A.  
 COB L. Legato Regio. XLVIII. LXVI.  
 Lupo VValthero Zapata, S. R. I. Comiti, Legato  
 Regio. LV.

## M

- Martino De Munatx, Sermo Principi 2 Se-  
 cretu. XXXI.  
 Melchi-

# INDEX.

Melchiori Daelhensio, Ord. Eremit. S. AUGUSTINI, Philologo & Provincia Belgica Visitationis.

Melchiori Hulsboutio S. L. Scholarum Praefecto. LXXXIX.

Michaeli De Salamanca, Equiti Ordinis S. JACOBI, Serenissimo Principi, Cardinali Belgarum Gubernatori à Secretis & à Consilio statibus. XLII. LII. LVII. XCII. XCIII.

Michaeli De Poutrincoeur, Equiti Melitensi, Commendatario de Chanzyue & de Fief. LXXXVIII.

## N.

N. Oelvelsio, V. N. LXIII.

N. Schotano, V. C. XXXV. II.

N. Vennio, Quaestori Ordinum. LXII.

N. Vlemingio, Erarii Belgici Sanctorum Consiliario & Graphario. XLV.

## O.

OCTAVIO Picoleminio, Duci Amalfio, Militia Belgica Archistratego Regio. XCIV. XCV.

OTBONI Zyllo, S. I. Theologo & Philologo. XXXIX.

## P.

PETRO Vivero, S. I. Concionatori Regio. XXXIV.

PHILIPPO Chiffletio, Abbati Balernensi, Ecclesia Vescon-